



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





2942



133

ԳԱՇՄՈՒԹԻՒՆ

ՄԱՏԵՆԱԳՐՈՒԹԵԱՆ

ՀԵՅՈՑ

Gaterchian, Hovsep
= Patmutiwn matenagrut ean...

ՊԼՏՄՈՒԹԻՒՆ


ՄԵՏԵՆԵԳՐՈՒԹԵԼՆ

Է Ա Ճ Մ Ճ

Գ Ի Ե Ց

Է. ՅՈՎՍԻՓ Վ. ԳԱԹԵՐՉԻԱՆ

Մ Խ Ի Թ . Ո Ւ Խ Տ Է Ն



ՎԻԷՆԱ

ՊԱՇՏՊԱՆ Ս. ԱՍՏՈՒԱԾԱԾՆԻ ՎԵՆԱ

1851 ՌՑ.

UNIVERSITY OF MICHIGAN LIBRARIES

Grad
EREN
133
BUHR

GRAN
ERIN

133

ՔԱՐԳԳ

Պ Ե Տ Մ Ո Ւ Թ Ի Ի Ն

ՄԵՏԵՆԱԳՐՈՒԹԵԱՆ

Հ Ե Յ Ո Ց

ՊԱՏՐԱՍՏՈՒԹԻՒՆ

ՍԱՐԴՈՒ մը, ազգի մը կամ բոլոր մարդկութեան մոտաւոր կենացը ձայնաւոր կամ գրաւոր յիշատակաբաններուն գաւառը՝ նոյն մարդուն կամ ազգին կամ ընդհանրապէս մարդկային ազգի մատենագրութիւնը կամ գրագիտութիւնը կ'անուանենք:

Աս անհրաժեշտ, մասնաւոր եւ ընդհանուր մատենագրութիւնը հարկաւ իր չափին համեմատ պատմութիւն մ'ալ ունի: Ուսումը՝ որչափ որ ինք իր կողմանէ անփոփոխ ու միակերպ բան ըլլայ, որովհետեւ մարդուս ձրի եւ անաշխատ դրսանց տրուած բան չէ, հապա մարդիկ ալ ճշմարտութիւն որսալու համար գիտութեան գեղեցիկ ցանցը տաժանմամբ ու կամաց կամաց հիւսած են ու պիտ'որ հիւսեն, անոր համար մատենագրութեան՝ թէ՛ ըստ խառնակի եւ թէ՛ ըստ պէշոյ՝ փոփոխութեան ու պէսպիսութեան տակ իյնալը՝ անհրաժեշտ հարկ մըն է:

Փոփոխութիւնն որ ժամանակաւ կ'ըլլայ, ուսման կամ մատենագրութեան՝ կամ Եւրոպայի միջոցով կամ Անգլիոյն է, ըստ որում ան փոփոխութիւնը կամ ի լաւ կամ ի վատթար կ'ըլլայ: Պէտքստութիւնն՝ որ մատենագրաց ազգային կամ տեղական տարբերութեանէն կամ պարագաներէն շատ կախուած է, ուսման ու մատենագրութեան հոս կամ հոն, աս կամ ան

ՄԵՏԵՆԱԳՐ.

ատեն ունեցած սեպհական նկարագիրը կը ցուցնէ . օրինակի աղադատ՝ արեւելեան ու արեւմտեան, յունական կամ հռոմէական մատենագրութեան սեպհական յատկութիւնները եւ այլն :

Ուրեմն ինչպէս ընդհանրապէս պատմութիւնը՝ ասանկ ալ մատենագրութեան պատմութիւնը՝ թէ ժամանակագրութիւն մը եւ թէ Աշխարհագրութիւն մը կամ աւելի ճշգիւ՝ Ազգագրութիւն, այս ինքն՝ զանազան ազգային նկարագիրներ պիտ'որ ունենայ : Ո՞վ կրնայ ժխտել՝ որ աս երկուքն ալ (այս ինքն՝ մատենագրութեան թէ ժամանակներու եւ թէ նկարագիրներու զանազանութիւնը) ինչպէս բոլոր մարդկութեան վրայ ընդհանրապէս, ասանկ ալ ի մասնաւորի նոյն մարդկութեան մասի մը (ազգի մը) վրայ՝ բոլոր պատմութեան ընթացից հետ կապուած չլլայ : Որովհետեւ՝ մէկ կողմանէ մատենագրութեան յառաջադիմութիւնն ու անկումը, մէկալ կողմանէ ալ աս կամ ան կերպն ունենալը՝ նոյն ազգին քաղաքային անցքերէն ու բարոյականութենէն կախուած է, ասոնց հետ ուղիղ համեմատութեան մէջ է . ասոր համար ազէկ ըսուած է որ ազգի մը պատմութեան ծանրաչափն՝ իր մատենագրութիւնն է : Ասոր ամենէն գեղեցիկ ու համոզող օրինակը՝ յունական մատենագրութիւնն է, որուն քայլերը միշտ Յունաց քաղաքային պատմութեան հետ հաւասար կը շարժին¹ :

Ա՛նք ազգային մատենագրութիւնն աս բանիս մէջ բացառութիւն մը չէր կրնար ընել : Ուստի թէ որ աս գաղափարով մեր բոլոր մատենագրութեան վրայ աչքներնիս պտըտցընենք, 2000 տարւան ուսումնականութիւննիս պէտք է որ զանազան պատճառախնդիր² - ժամկետակազրական բաժանմունք ունենայ, որն որ տախտակով մը կրնանք երեւցընել :

1 Տես Տիեզ. Պատմ. Հոտ . Ա . էջ 409—448 եւ 474—477 :
2 Pragmatique.

ԱՌԱՋԻՆ ՄԻՋՈՑ . Վերհատոնէութենէ առաջ (150
նախ քան զՔր . — 305 յետ Քր .) :

1. Ընդիր :

2. Գրաւոր :

ԵՐԿՐՈՐԴ ՄԻՋՈՑ . Վերհատոնէութենէ ետքը (305 —
1850) : Ասոր տակը՝

Առաջին Շրջան . Հայերեն գրութենէ առաջ կամ
օտար լեզուաւ ու գրով գրուած (305 — 406) :

Երկրորդ Շրջան . Հայերէն գրութեամբ ու լեզուով
(406 — 1850) :

Ա . Յունական քրիստոնէական մատենագրութեան
ազդեցութեան տակ (406 — 1300) :

1. Ուղղակի յունական մատենագրութեան
ազդեցութեան տակ , այս ինքն՝ յունական
լեզուաւ ու գիտութեամբ (406 — 500) : Ա-
ռաջին Խորհանդիսեան աթին : Ասոր՝

2. Ընմատենագրութեան ժամանակ մը (500 —
650) յաջորդելէն ետքը՝

3. Երկրորդ յունարէն լեզուագիտութիւն մ'ալ
(650 — 750) , այս ինքն՝ Սիւնեաց դպրոցին
ժամանակները կու գայ : Երկրորդ Խորհան-
դիսեան աթին :

4. Ընուղղակի (թարգմանութեանց միջնորդով
միայն) յունական մատենագրութեան տակ
(750 — 1050) :

5. Երրորդ յունարէն լեզուագիտութիւն մ'ալ
(1050 — 1250) : Երրորդ Խորհանդիսեան աթին :

6. Նորէն միայն միջնորդապէս յունական մա-
տենագրութեան ազդեցութեան տակ (1250
— 1300) :

Բ . Հռոմէական կամ ճշդիւ՝ Գերմանական¹ .

1 Առանձնը հոս հնագիտական նշանակութեամբն է , այս
ինքն Գերման ըսելով հիմակաւն՝ Եւրոպայի կենդրոնը բնա-

քրիստոնէական մատենագրութեան աղբյուրութեան տակ (1300—1850) :

1. Սիւրբ ժամանակի մատենագրութեան աղբյուրութեամբ (1300—1600) :

2. Սիւրբ ժամանակի մատենագրութեան աղբյուրութեամբ (1600—1850) :

ա. Աւելի խառնական, եղբերք՝ գաղիական մատենագրութեան աղբյուրութեամբ (1600—1830 կամ 40)

բ. Կէս մը գաղիական, կէս մը գերմանական եւ մասամբ իմն անգղիական աղբյուրութեամբ (1830 կամ 1840—1850 . . .) :

Աս բաժանմանց վրայ քանի մը գիտելու բան կայ :

1. Ինչպէս կը անոնութ՝ առ բաժանումները ժամանակի չափով չեն, կամ ժամանակի հաւասար ընդարձակութիւններ փնտռուած չեն եւ ոչ ալ նոյն ժամանակներուն մէջ գրուածներուն շատութիւնն ու քիչութիւնը գիտուած է, հապա նոյն նշանակուած ժամանակներուն մէջ ելած գրուածներուն ունեցած ընդհանուր նման յատկութիւններն՝ որոշման ու բաժանման հիմն ու պատճառ տուած են : Պատմութեան մէջ հարիւրական տարւոյ կամ դար դար բաժանում ընելու սովորութեան անբնական բան ըլլալը՝ շատոնց

կող աղբերը մինակ չենք իմանար . հապանակ Անգղիացւոց Գաղղիացւոց, Սպանիացւոց, նոյն իսկ Իտալացւոց ըստ մեծի մասին հասարակաց ընդհանուր պատմական տնտնն առ է : Արտճեանեւ պատմութիւնը ցուցուցած է որ բուն տեղացիները զանազան Գերման աղբերու մէջ ընկզմած են . հին Սպանիացիք կամ վասկոնները եւ այլն՝ Սուեւեւ բու եւ արեւմտեան Գոթացւոց՝ հետ խառնուելով, հին Գաղղացիք՝ Փրանկաց ու արեւմտեան Գոթաց, Բրիտանացիք՝ Սաքսոններուն ու Նորմաններուն հետ, Իտալացիք կամ հին Հռոմայեցիք՝ ըստ մասին արեւելեան Գոթացւոց, Լոնգոբարդացւոց եւ ըստ մասին Նորմաններու հետ, որոնց աւելն ալ մէյ մէկ կամ զուտ կամ խառն Գերման ցեղեր են :

ճանչցուած է: Բայց ան յատկութիւններն՝ որոնք
աս բաժանմանց հիմն եղած ու մինակ ընդհանրապէս
հոս յիշուած են, իւրաքանչիւր ժամանակաց վըպ
առանձին խօսելու ատեննիս՝ աւելի մեկնութիւն ու
բացայայտութիւն կ'առնուն:

2. Ինչպէտ ազգի մը պատմութիւնը կամ իւրա-
քանչիւր ժամանակուան քաղաքային վիճակը՝ կար-
ծեա թէ իր մտաւոր յիշատակարաններուն վըպ կը
նկարուի, եւ ընդհանրապէս ասանկ ըլլալը մէկը
տարակուսի տակ չի կրնար ձգել, սակայն աս ալ միշտ
պիտ'որ դիտուի որ ազգի մը եւ ի մասնաւորի ազգեր-
նուս քաղաքային վիճակին յանկարծական փոփոխու-
մը՝ անփոփոխ մատենագրութեան մէջ ալ յեղափո-
խութիւն մը միշտ չի բերեր: Աս շատ նիւթապէս
մտածել կ'ըլլար: Շատ անգամ հին կրթութեան
ու խելաց մարդիկը՝ նոր փոփոխութեան մէջն ալ
կեանք ու գործողութիւն կ'ունենան: Շատ հեղինջ-
պէս ապագան՝ նոյնպէս անցեալը դեռ ներկային մէջ
կենդանի է, թէպէտ վերջին շնչովը: Մէկէն մե-
կալին՝ անցում մը, կամուրջ մը պէտք է դնել. ու-
տումը միշտ անբնական է: Անոր համար՝ դրուած
թուականներն ամէն դիպուածի մէջ ուսողական (մա-
թեմատիքական) ճշգրութեամբ մը բռնելու չէ:

3. Ըս բաժանումները մատենագրութեան ընդ-
հանուր բաժանումներն են, այս ինքն՝ ընդհանուր
ուսման ընթացքին նայելով դրուած են, ուստի եւ
աս կամ ան մասնաւոր ուսման վիճակին նայելով՝
կրնայ ընդհանրէն բացառութիւն մ'ըլլալ: Արնայ,
օրինակի աղազաւ, հայերէն լեզուի պատմութիւնը՝
մատենագրութեան ընթացքին ժամանակներէն քիչ
շատ հեռացող ժամանակներ ունենալ, մէկուն կա-
տարելութիւնը մէկալին անկատարութեան ատենն
ըլլալ: Բայց հարկաւ աս զարտուղութիւնն ալ մա-
տենագրական պատմութեան մէջ անյիշատակ չի մնար:

4. Աս ժամանակագրական բաժանմանց ամէն մէկը՝ նիւթի կողմանէ ուրիշ բաժանումներ ալ կ'ուներնայ : Օրինակի աղագաւ՝ վերջի ժամանակուան հայերէն մատենագրութեան վրայ խօսել ուղղով կըրնայ բոլոր մատենագրութիւննիս՝

Ա. Բանասիրական - պատմական,

Բ. Ուսողական - բնական,

Փ. Փիլիսոփայական - աստուածաբանական

գլխաւոր ձիւղերու բաժնել, եւ ետքն ալ ասոնց ամէն մէկուն տակ աւելի մասնաւոր խորագիրներ բանալ : Ուրշեալ ժամանակի մը գրուածոց նիւթերուն երեւելի զանազանութիւնները՝ հարկաւ աս բաժանման չափն ալ կ'որոշեն . անանկ որ՝ դարձեալ շատ նիւթական բան կ'ըլլար որ ամէն նշանակուած ժամանակներուն համար հաւասար ու միակերպ նիւթոց ցանկ մը առջեւնիս առնելով՝ ամէն ժամանակի մէջ նոյներուն համեմատ գրուածք փնտռէինք կամ պտահանջէինք, չմտածելով որ ամէն ժամանակ ինչպէս իր սիրական կամ հարկաւոր՝ ասանկ ալ անփոյթ ըրած ուսումն ունեցած է : Ամէն մէկ ժամանակին վրայ մէկիկ մէկիկ խօսած ատեննիս՝ հարկաւ աս նիւթերու բաժանման ալ մտադիր ըլլալու ենք :

5. Իւրոր մատենագրութիւննիս աս կարգերու մէջ զետեղելու ատեն՝ ամէն մէկ գիրք կամ գրուածք երեք յարաբերութիւն կամ հայեցում կ'ունենայ : Ա. Իր մատենագրին, Բ. Իրմէ առջի ու իրմէ ետքի ազգային մատենագրութեան, ու Գ. Ընդհանուր մատենագրութեան նկատմամբ : Արովհետեւ նախ՝ մանաւանդ հեղինակութեան վերաբերած նիւթերու մէջ՝ մատենագրին անձնական որպիսութեան տեղեկութիւնն անհրաժեշտ հարկաւոր է : Երկրորդ՝ ամէն գիրք իրմէ առջինէն ինչ ազդեցութիւն կամ սկիզբ ընդունած եւ իրմէ վերջիններուն ինչ ազդեցութիւն ըրած ըլլալը գիտնալով՝ մէկ կողմանէ գրքին ներքին

որպիսութիւնը, եւ մէկալ կողմանէ ընդունելութիւնը կամ մերժումը կ'իմանանք: Երրորդ՝ գիրք մը ընդհանուր գրագիտութեան կամ ուսումնականութեան հետ համեմատելով՝ գործքին ներքին յարգը կ'որոշուի:

6. Աս վերջի բոլածներն աղէկ ընելու համար՝ մէկ կողմանէ անաչառ, մէկալ կողմանէ ալ չափաւորած քննադատութիւն՝ պէտք է: Կ'ըսենք անաչառ. որովհետեւ ուսման բանը գործքը ճշմարտութեան հետ է, ուսումնասէրը՝ որն որ իր գաղափարէն սոփալուծ է ճշմարտասէր ըլլալ, կը մտածէ որ իր ներողամիտ դատմամբն անստղծը. ստղծ չ'ըլլար, առաւել եւս՝ ստութիւնը ճշմարտութեան չի դառնար: Գարձեալ մարդ ինք զինք խաբէ ալ, կեղակարծն իրեն համար անտարակուսելի ալ ընէ, ինչ իրաւամբ ուրիշներուն եւ ի մասնաւորի՝ օտարներուն հաւանութիւնը կրնայ պահանջել:

Բայց մէկալ կողմանէ ալ չափաւորութիւն մը պէտք է: Ի մասնաւորի հնութեան հետ՝ գոնէ քիչ մը ներողամտութեամբ վարուելու ենք: Հնութեան վերաբերած ամէն խնդրոց մէջ պէտք է մտածել որ միշտ նախադրութեան՝ պատճառն իրեն կողմն է, այս ինքն՝ խնդիր ելլելէն յառաջ՝ ինք իրեն նպաստաւոր վիճակին մէջ կեցած էր. առանց գրական պատճառներու՝ զինք աս ստացումէն իրաւամբ չենք կրնար մերժել: Անոր հակառակ ուսումնական աշխարհքիս մէջ խիստ տեսարան մըն է անցած գացած հնութեան՝ դատաստանի կանչուիլը. հնութիւն մը որչափ որ մեզմէ հեռու է՝ այնչափ անվախ ու համարձակ ոսոխներ կ'ունենայ, թեթեւ կասկածներով վրան վճիռ կը տրուի, բարձրագահ աթոռէն վար կ'առնունք, երբեմն հայրենական մատենագրութենէ

1 Critique.

2 Prescription.

ալ գուրս կ'աքսորուի: — Աս երկու կողմանէ զահա-
վէժ ճամբուն վրայ շիտակ քայելու հնարք՝ կիրքերէ
ազատ ըլլալն ու ճշմարտութենէ վեր պատուական
բան աչքին առջեւը չունենալն է:

Աս բաժանումներէն ետքը՝ հարկաւ կը բաղձա-
ցուի որ մասնաւորի իջնալով մէկիկ մէկիկ իւրաքան-
չիւր ժամանակուան՝ ամէն մէկ մատենագիրը մօտանց
դիտուի ու զննուի, եւ բոլոր մատենագրութեան
ընթացից վրայ աւելի որոշ գաղափարներ ունեցուի:

Աս մանրամասն ծանօթութիւնը գոնէ հին մատե-
նագրութիւններնուս համար՝ իրաւամբ կը պահանջուի.
որովհետեւ պատմական նիւթօց մէջ մարդ ընդարձակ
դաշտավայրի մը վրայ կեցողի կը նմանի, որն որ իր միշտ
մօտերն որոշ ու յստակ կը տեսնէ, անկէ անդին՝ պայ-
ծառ բայց քիչ մ'անորոշ, իսկ տեսութեան հորի-
զոնին վրայ եղածները՝ թէ մնւթ թէ անորոշ: Հին
մատենագրութիւններնուս պատմութիւնն ալ՝ մեր
տեսութեան հորիզոնին վրայ է, որն որ որչափ հին՝
այնչափ մուլթ, շատ անգամ որչափ յարգելի ու պա-
տուական՝ այնչափ խնդրոյ տակ է: Ուստի մեր տեսողա-
կան կարողութիւնը զօրացընելով եւ անոր օգնելով՝
աս հեռաւոր բաներէն գոնէ մէկ քանին սովորակա-
նէն քիչ մը աւելի պայծառ ու լուսաւոր տեսնելը՝
թէպէտ դժուար, բայց օգտակար ու զուարճալի է:

ՆՈՒՇՈՒՆ ՄԻՋՈՑ

ՔՐԻՍՏՈՆԷՈՒԹԵՆԷ ՅԱՌԱՋ

ԳԼՈՒԽ Ը

ԾԱՅԵՆԱԳՐՈՒԹԵԱՆ ՍԿՋՐՈՒՆՔ

(Քրիստոնեական)

ՀԱՍՏԱՐԱՎՈՐԷՆ մեր մատենագրութեան գլուխն ան-
միջապէս Մար-Աբառ կ'անցնի, առջի գահն առ թա-
գաւորական պատմագրին որոշուած է: Շատ աղէկ:
Բայց իր գիրքը կ'ընէ, մեր առջի ազգային գիրքն ը-
լալ, ապա այն առջի մտաւորական ծնունդը սեպելու
հիմ չունիլը: Ուրեմն ուրիշ սկիզբ փնտռելու ենք:

Ստորոգ է ինչպէս ամէն ազգի՝ ասանկ ալ Հայոց
մատենագրութեան «կ'ընէ» վրայ կատարեալ պատ-
մական լուսաւորութիւն ունենալ՝ կարելի չէ. որով-
հետեւ հասարակօրէն նոյն իսկ ազգայն պատմութեան
բուն նախնական սկիզբն ալ՝ առասպելաց կամ ան-
յայտ զրուցաց ամպերու մէջ ծածկուած են: Նաեւ
իրին բնութիւնն ալ ասանկ կը բերէր. ազգ բռած-
նիս՝ բարոյական անհատ մը սեպելու ենք, որն որ
զանազան նպաստաւոր գէպքերու սպասէ, մինչու
որ կրակահո-միտն օգնութեամբ՝ բնածին բանականու-
թիւնը բարձրագոյն ոյժ ու զօրութիւն մ'առնելով՝
հասուն եղանակաւ իր մտածութիւններուն ճիշդ բա-
ցատրութիւն ու փեռանք գոյութիւն մը տայ:

Սակայն գրականութենէ առաջ կամ գրականու-
թենէ անկախ՝ առհասարակ հին ազգերը, մանաւանդ
Ասիացիք ու անոնց հետ նաեւ Հայերը՝ իրենց սեպ-
հական ուսումն ու գիտութիւնը եւ միանգամայն ի-
րենց մտածութիւնները վերջիններուն հաղորդելու ա-

ռանձին եղանակ մ'ունեցած են : Ուրեմն մեր ազգին
գրաւոր ուսմանը՝ նախընթաց նախնական ուսումնա-
կանութիւն մը, կամ մտաւորական կրթութեան առ-
տիճան մը պէտք ենք դնել : Միանգամայն առ իրենց
ուսումնականութիւնը մեր գրաւոր ուսումնականու-
թեանը կամ մատենագրութեանը խարխալ պիտ'որ
սեպենք : Ապա թէ ոչ՝ ի՞նչպէս կարելի էր որ առջի
ազգային մանաւանդ պատմական գիրքը բազմաթիւ
գարերէ ետքը յանկարծ ելլէ՝ առանց իրմէ առաջ
ազգային պատմական տարերք ունենալու : Արեւմտեւ
յորդանուր գետ մը՝ առանց իր առուններն ու ծածուկ
ջրի երակներն ենթադրելու՝ մէկէն բխած մտածել :

Իրուամբ հետաքրքիր է ազգային հնութեանց նա-
խանձաւոր քննիչը՝ առ աստիճանի հին հայրենական
ուսման կերպարանքը տեսնելու : Բայց յայտնի է որ
բանականօրէն այսչափ հին բաներուն մինակ մնա-
ցորդներով գոհ պիտ'որ ըլլուի . մանաւանդ որ առ
գեղեցիկ մնացորդներն իրենց նախնական ամբողջ
ցուցնելու բաւական են : Թէպէտ առ մնացորդներուն
միջ մասն վրայ՝ իրենց ժամանակին նկատմամբ՝ ճիշդ
երաշխատութիւն մը չկայ՝ որ իրենց վերջին աստի-
ճանի հնութիւն մը տանք , բայց մեր նպատակին հա-
մար՝ իրենց հնութեանը նկատմամբ այսչափ մինակ
ապահովութեամբ գիտնալը բաւական է , որ երբեք
գրքի մը կամ ընդհանրապէս գրականութեան ազ-
դեցութեան մը տակ շինուած չեն , հապա՛ ապա ու
թա՛ռ ազգային մտաց բերքն ու բխումն են : Դարձեալ
ձեռքերնիս եղածը՝ որչափ քիչ հնութիւն ալ ու-
նենայ , միշտ յայտնի կը ցուցնէ որ իր սեռին մէջ
առջի բերքը չէ , իրմէ առջի բանի մը մասն է , կամ
արդէն կրթուած ու սովորական եղած արուեստի մը
կամ հին ճարտարութեան մը գործածն է :

Հիմակ առ ծանօթութեանց տեղիքը փնտռենք :

Մեր երակներուն մէջ քաղաղ արիւնէն եաքը՝ չկայ անանկ սերտ ու յայտնի կապ մը՝ որ զմեզ մինչև մեր հին ու հնագոյն հարցը հետ կապէ՝ ինչպէս լեզունիս : Նոյնը ասովն ընդարձակ ու գեղեցիկ գիրքն է, որուն մէջ մեր հարցը գաղափարները, մտածութիւններուն ընթացքը, սովորութիւններն ու ճարտարութիւնը կրնանք քիչ շատ ճշդութեամբ ու զուարճութեամբ կարգալ, իրենց փորձառութեանը, ծանօթութիւններուն ընդարձակութիւնը եւ իրենց բարոյականութեան աստիճանն ընդհանրապէս որոշել : Հոս մեր նպատակը չիկրնար ըլլալ՝ որ առ տեսութեամբ բոլոր հայերէն լեզուին վրայէն անցնինք : Մեր ըսածը կամ հաստատելու կամ բացայայտելու համար՝ քանի մը օրինակ կամ մերձեցուցում բաւական է :

Մեր ազգային պատմագիրներէն վկայութիւն չունինք որ շատ հին ժամանակները՝ Տնտեսական տեղեկութիւնները Հայոց մէջ յառաջ գացած ըլլան : Բայց թէ որ դառնանք մեր հին լեզուին հարցընենք, մեզի աւոր վրայ մեծ լոյս կու տայ, եւ պատմութեան գիտցածի պէս՝ պէտք ենք ընդունիլ որ աս գիտութիւնները կամ տեղեկութիւնները շատ հոգաբարեւոյն աստիճանաւ ինչ հին Հայոց մէջ ծաղկած էին : Ինչ անուանց առատութիւն ու հետեւապէս գաղափարաց յորդութիւն եւ որոշ յստակութիւն չեցուցուի, թէ որ տնտեսական տեղեկութեան՝ մինակ Անգէորդական ճիւղին վերաբերած բացատրութիւններն աչքէ անցընենք, որոնք այբուբենի կարգաւ ասոնք են . Աւլոյ, ամիկ, այծ, առն, արջառ, աւգիք, բուծ, գառն, եզն, երինջ, զուարակ, ընջուղ, խաշն, խոյ, կով, մաքի, նոխազ, որթ, ոչխար, որոջ, ուլ, ցուլ, քաղ, քաւշ :

— Խող, խոճկոր, կինձ, վարաղ, եւայլն, եւ անոնց բազմութիւնը՝ անդեայ, երամակ, կղտ, հօտ, վտառ եւ այլն։ Առանկ ալ մշակական ճիւղէն՝ արմտեաց սեռը յիշելու համար՝ Գարի, դաւարո, դըկուղ, կորեակ, հաճար, ոլոռն, ոռպն, սիոեռն, վարսակ, ցորեան եւ այլն։ Մշակութեան փնտաւար բոյսերուն անունները՝ Գողձն, գժնիկ, եղիճ, ժանտափուշ, խայթահար, կայծու, որոճն, պատաղիճ, որափուշ, տատառիկ, քաղ եւ այլն։ Փնտաւար անասուններէն՝ Թրթուր, մարախ, Զորեակ եւ այլն։ Աքօր, մաճ, կամն, մանգաղ, գերանդի եւ այլն, ի մասնաւորի տնտեսական մեքենականութեան վերաբերեալ բառեր են։ Առ բառերն ըստ մեծի մասին պարզ ու յայտնի նախնական բառեր ըլլալով՝ շատ մեծ հնութիւն կը պահանջեն։ Ուստի պաշտօնի հեռաւոր հնութեան համար՝ պաշտօնի երաշխաւորներ ունիք միայելու՝ որ մեր հարբը շատ կանուխ աս բաներուս մէջ յառաջացում ու կրթութիւն ունեցեր են, ոչ լեռնորդեայ ազգեր են եղեր եւ ոչ հնութեան ան ազգերէն՝ որոնք աղքատ ու ողորմելի ապրուստով ու հագուստով կեանքներին կը պահէին։ Անդէորդական դարմանոց գիտութիւնը տարազազործութեան՝ կ'առաջնորդէ, անոր համար ալ հին լեզուներնուս մէջ հարուստ եւ որոշ բացատրութիւն ունեցող նիւթերէն մէկն ալ ոստայնանկութեան արուեստն է։ — Ասոր հակառակ թող փնտառուի ծովային կենդանեաց կամ բերոց անուններ։ Ինչ նուագութիւն ու աղքատութիւն. ստուգիւ ուրիշ կերպ կ'ըլլար՝ թէ որ Հայք շատ կանուխ Եփրէկայի պէս ծովեզերեայ երկիր մ'ունեցած ըլլային։

Բարձրագոյն կարգի ծանօթութեան մը գանք։ Թէ որ մեր պատմագրաց կապուելու ըլլանք՝ Հայոց հեթանոսական կրօնին մինակ վերջին վիճակը գիտենք. այս ինքն մինակ ան ատենուան կրօնը, երբ

որ Հայաստան՝ իր արեւմտեան դրացիներէն (Փղեր Ասիայէն), քիչ մ'ալ հարաւային դրացիներէն (Միջագետքէն) կուռքեր ու քրմեր գալով՝ նոր յունական դիցաբանութեան հետ խառնուած՝ դիցաբանութիւն մ'ունեցաւ։ Բայց թէ որ հին լեզուին դիմնէք, մեղի քանի մը ստնկաիւ կու տայ, որ զմեզ քիչ մը ամբառնանք՝ աւելի հեռաւորը տեսնելու։ Արամազդ (հին պարսկ. Ասուրմասդա), Հրեշտակ (նոր պարսկ. Ֆրիշթի) որուն հին պարսկերէնը հարկաւ աւելի մօտ է), Դեւ ։ (հին պարսկ. Դեւա), Դժոխք (հին պարսկ. Դաշաի)՝ անունները, որոնք շատ յայտնի ու բաւական ամբողջ բոլոր զրադաշտական վարդապետութեան բովանդակութիւնը կը բացատրեն, ասանկ նախնական հնչմամբ լեզուին մէջ՝ տեսնելով՝ հարկ կ'ըլլայ դնել որ երբեմն իրենց նշանակութեամբն ու ամբողջ վարդապետութեամբն ալ Հայոց մէջ ընդունուած ու գործածուած էին։

Ուստի Հայոց բուն հին հեթանոսական կրօնը՝ քաղդէացւոց, փրնիկեցւոց ու Ասորւոց շատ նիւթական ու զեղեւ կրօնի անսակէն չէր, հապա բուն ներքին Ասիայի հեթանոսական քիչ մը յտակ կրօններուն կը վերաբերէր, եւ ի մասնաւորի իրենց հաւաւային արեւելեան կողմանէ դրացի Մարաց կամ հին Պարսից կրօնին։ Եայտնի կը տեսնուի որ նոր դիցաբանութենէն ետքն ալ ժողովրդեան կամ ռամկին մէջ առջի գաղափարները միշտ մնացին. որովհետեւ յիշուած բառերէն շատերը Հայոց քրիստոնէական լեզուին մէջն ալ առնուեցան, եւ արգէն իրենց նախնական նշանակութիւնն ալ քիչ մը ուղղուելէն ետքը՝ քրիստոնէական գաղափարաց հետ նոյն էր։

1 Մեղի համար՝ առ անունն առջի անգամ հայ հեթանոս բանաստեղծը յիշած է. այս ինքն՝ փոխանակ ըսելու որ Մարք Արտաւազդ արքայորդին մանկութեան տանը մօլի ու կատաղի ըրին, Վիշապազունք՝ Արտաւազդ մանուկը գողցան, կ'ըտէ, ու տեղը Դեւ դրին։

ՄԱՏԵՆԱԳԻՐ.

Ի ելուէ մը բան հետեւցընելու ուրիշ եղանակ մ'ալ կայ: Հին հեղինակներուն սովորութիւնն էր, որ բանի մը էութիւնը մեկնել ուղեւը ասեմնին՝ ենթադրելով որ հիները շատ բաներու մէջ մեզմէ ազէկ իրին բնութիւնն ըմբռնած ըլլան, շատ անգամ նոյն իրին անուանը ստուգաբանութեան կը դիմէին: Ասանկ Պիկերոն՝ որն որ իր նախնեացը վրայ չափէ դուրս յարգութիւն ու համարում ունէր, lex (օրէնք) անունը՝ ligare (կապել) բայէն յառաջ կը բերէ, ըստ որում օրէնքն է՝ որ մարդուս ազատութիւնը կը կապէ. ինչպէս նաեւ լատինացիոս religio (կրօն) բառը՝ religare (վերադառնալ կապել) բայէն կը հանէ, ըստ որում կրօնն է՝ որ մէյ մը Աստուծմէ մեզք բաժնուած արարածը նորէն Աստուծոյ հետ կը կապէ: Տարակոյտ չկայ որ աս կերպ խօսքերն ընդհանրապէս չեն կրնար արհամարհուիլ, որովհետեւ թէ որ ճշգիւ իրին էութիւնը չեն նշանակեր ալ նէ՝ գոնէ շատ անգամ ան կը ցուցընեն՝ որն որ հիները նոյն իրին վրայ ըմբռնէր են: Օրինակի ազագուհի հայ փիլիսոփայ մը անտարբեր բան չխեղեր որ հին լեզուին մէջ՝ անի բառը հաւատարմապէս Կոյադոմիան (այս ինքն՝ հառաւանդուն բան, փոփոխելեաց մէջ միշտ էապէս անփոփոխ մնացողը) եւ միանգամայն Տարդեայն հոգին նշանակէ:

Իւայց աս բանիս մէջ չափն անցնելը շատ դիւրին է, անանկ որ ծանրութեան սահմանէն ծաղրակաւորութեան սահմանը կոխելու մինակ քայլ մը բաւական է: Մեր տարեգիրներէն խօսելու համար, Պիրական Գանձակեցի աս բանին բաւական զուարճալի օրինակ մը կու տայ: Սիւնեաց կողմերը ձեռքն իշխանութիւն ունեցող անձ մը, կ'ըսէ պատմագիրը, կը պահանջէր որ Տղոց մազը թողուի ու չկտրուի մինչուկ որ երկըննայ ու պապի (պատ առցէ), որովհետեւ ասկէ է որ, կ'ըսէր, պապանի կ'ըսուի. ետքն

ալ պէտք է չորել, կ'ըսէր, որովհետեւ ասկէ է որ չորի՞ն կ'ըսուի: Մենք առ հարուստ՝ բայց զգուշութեամբ փորելու բովը ցուցնելը բաւական սեպելով՝ հնութեան ուրիշ հետքերը փնտռենք:

Հ Ա Ց Ո Ւ Ա Տ Բ .

Յարուստ անուանի:

Մեր գրականութենէ առաջ գտնուած ազգային տեղեկութեանց հետքերը փնտռելու սկսելով՝ պիտի առաջ լեզունիս առջեւ ելաւ: Բայց լեզուն որչափ հնութեան գեղեցիկ թանգարան ալ էր նէ՛ տարանջատ ու սեռական կամ ընդհանուր նշանակութիւն ունեցող բառերէն կամ անուններէն աւելի բան մը չէր մատուցաներ մեզի: Աս տարանջատ անունները մեզի ամբողջ տեղեկութիւն մը տալու համար՝ մեր համեմատութիւններուն ու բաղադրութիւններուն կը ուղարկէ: Սակայն անանկ անուններու կարգ մ'ալ կայ, որ ասանկ ընդհանուր բաներ չեն ցուցնէր, ամէն մէկն ամբողջ տեղեկութիւններ կու տան, առանց մեր համեմատութիւններուն կարօտ ըլլալու՝ հնութիւնն իրենց պատմական նշանակութիւն մը որոշած տուած է: Անանկ որ ամէն մէկը մէյմէկ ամբողջ նախադասութիւն են՝ որ առ կամ ան տեղեկութիւնը կամ դէպքը կը պատմեն:

Արդէն բնական է որ թէ անձանց թէ տեղեաց անունները սկզբնաբար ամէնն ալ նշանակութիւն ունեցող ըլլան. անձի մը յատկութիւնը կամ բարքը, տեղւոյ մը բնակիչը կամ շինիչը, եւ կամ դիպուած մը, նոյն անձին կամ տեղւոյն անուանակոչութեանն առիթ եղած է: Աս սովորութեան՝ որն որ բոլոր հնութեան հասարակ է, բայց մանաւանդ արեւելեանց մէջ, մեր հին հարքն ալ մասնակից էին: Անոր համար զարմանք չէ որ բուն Հայկազանց անուններուն՝ զորոնք պահուած տեսնելու բախտն ունեցած ենք,

շատերը յայտնի նշանակական ըլլան: Մտադրութեան արժանի բան է՝ որ հին արեւելեայք աստնկ նշանակական անուններու միջնորդութեամբ երեւելի գործքեր յիշողութեան մէջ պահելու ջանացած են: Աս միջոցը, որչափ թերակատար ալ ըլլայ, հիներուն համար՝ որոնց ծանօթութիւններուն չափը դեռ ընդարձակ չէր, շատ պիտանայցու էր. սրովհետեւ աս անուններն իբրեւ թէ կռուան մը կամ խարիօն մը կ'ըլլային ու անոնց վրայ՝ բերնէ բերան պատմուած զանազան զրոյցներ կը հաստատուէին կամ իրարու հետ կը կապուէին, եւ իբրեւ թէ մէյ մէկ պատմութիւններու հանելուկներ էին:

Ինչպէս աս ընթացքը Յունաց գեղեցիկ ու զարգարուն հին զրուցաց մէջն ալ կրնանք տեսնել², սա-

1 Խոր. Գիրք Ա. ԳԼ. ԺԹ. ԻԲ. Պերճ, Արսւն, Բազուկ, Սկայորդի, եւ այլն:

2 Օրինակ տալու կը պատճ որ Աթենացիք՝ իրենց Եգէոս Թագաւորին ատենը՝ Մինովս Արեւելի Թագաւորէն յաղթուելով, ստիպուեցան ամենալի դաշտմը մը յանձն առնուլ որ տարւէ տարի երիտասարդաց ու երիտասարդուհեաց բազմութիւն մը Արեւել խրկեն, որ հոն Լարիւրինթոսին մէջ կեցած Մինոսաւրոս ըսուած գաղանին կերակուր ըլլան: Հեղ մը Թեսեւս՝ Աթենացաց Թագաւորին հակադէպ որդին՝ ուղեց խաւրուղ երիտասարդաց մէջ ըլլալ, որ իրեն սովորական քաղութեամբը գաղանը սպաննէ ու մարդիկն ազատէ: Երբուհի հայրը Եգէոս՝ ակամայ հաւանելէն ետքը՝ նաւապետին ապսպրեց որ ես դառնալու ատեն սեւ առագաստից անդ՝ ճերմակ առագաստ բանայ, թէ որ գործքն յաջողած է: Թեսեւսին գաղանն սպաննելը գիւրին էր, բայց Լարիւրինթոսէն դուրս ելլելն էր. բայց անոր ալ ճար եղաւ: Արեւացաց Թագաւորին Արիստիդէ աղջկին աս կայսառ երիտասարդին խղճալով՝ Լարիւրինթոսին գանէն մասած ատենը՝ ձեռքը կծիկ մը գերձան առաւ, որ տնով մէյ մը գացած ճամբէն կարենայ նսրէն ես դառնալ: Թեսեւս գործքը լմնցուց, նաւը գէպ Աթենք ճամբայ ելաւ: Բայց նաւապետն ուրախութենէն առագաստը փռ-

կայն ո՛չ ան անգործութիւնն եւ ո՛չ ալ մերինոնց հետ ան մերձաւորագոյն նմանութիւնն ունին, որն որ բոլոր մատենագրութեան առջի յիշատակարանին, այս ինքն՝ Մովսիսի առջի գրքին մէջ տեսածնիս ունի։ Որովհետեւ աս գրքիս մէջ կը տեսնենք որ Մովսէս 51 անուռ ստուգաբանած եւ ըստ մեծի մասին անոնց հետ կապուած ու աւանդութեամբ Աբրահամու զաւակացը մէջ անարատ պահուած զրոյցներն առջի անգամ աստուածային առաջնորդութեան տակ գրի անցուցած է։

Իսկայ մեր հնութեան գալով՝ ահաւասիկ նոյն համոզմամբ է որ նաեւ Խորենացին հին անուաններէն մեր հնութիւններուն վրայ պատմական նիւթեր կամ գտած նիւթերուն՝ հաստատութիւն կը գտնէ։

Այսպէս Տարաւ գաւառին անունը՝ Սեմայ Տարաւն զաւկէն յառաջ կը բերէ. Տարաւնդ կամ Տարաւնդ գաւառինը՝ Ջրուանէն (այս ինքն՝ Սեմէն, որովհետեւ ան կողմի արեւելեանք Սեմայ աս անունը կու տան, կ'ըսէ)։ Ի մասնաւորի անգղային պատմութեան գալով՝ Հայր լեռնագաշաին անունը՝ Հայկայ հոն բնակելուն, ու Հայկաշի գիւղինը՝ Հայկէն շինուելուն համար է, կ'ըսէ. Հայկայ Բելայ հետ ըրած պատերազմին տեղը շինուած դաստակերտը՝ Հայր ըսուած է՝ կ'ըսէ, իսկ Բելայ ինկած տեղը՝ Գերեշանէ։ Արաբք լեռը՝ Հայկայ Արմենակ որդւոյն անունէն կը հանէ, Արաբիք Հայկազանց հին նուիրական քաղաքը՝ Արմայիսէն, Մասիք լեռան անունը՝ (Մասիս՝ հայցական հորովն է) Ամասիա նահապետին անունէն, Սիւնիք կամ Սիսակա նահանգին անունը՝ Սիսակէն, Շիրակ գաւառին անունը՝ Շարայէն, Գարաի ձեռա-

խելու մուցած էր։ Երբունի եգէտը՝ որ Ամենքի պարբայէն սեւ առագաստը տեսաւ՝ յուսահատութենէն ինք զինքը ծով նետեց. ասանկով ան ծովն եգէական ծով ըսուեցաւ։

կերտինը՝ Գառնիկ նահապետին անունէն, Գեղ լեռն
ու Գեղափռոնի գաւառն ու ծովը՝ Գեղամին անունէն,
Փառախոփ ու Յուլիերփ (կամ Յուլալիերփ) դաստա-
կերտները՝ շինողներուն անունէն, այս ինքն Փառախէն
ու Յուլակէն է, կ'ըսէ. եւ ասոնց անուանակոչութեան
պատճառն ալ իրենց արտաքին կերպարանքն ու տե-
քը կը գնէ, Փարսիին փառաւորութիւնն ու արու-
թիւնը, իսկ Յուլիին կայտառութիւնն ու գեղեցկու-
թիւնը իրենց անուան առիթ տեսելով: Այսպէս
նաեւ Այրարատ անունը Արայէն յառաջ բերել
կ'ուզէ¹:

Ահաւասիկ ասոնք են ան կէտերը՝ որոնց վրայ մեր
նահապետական պատմութիւնը հիւսուած է: Ան
ցանցաւ ծանօթութիւնները՝ զորոնք աս ժամանա-
կիս վերաբերեալ դէպքերուն վրայ ունեցած ենք,
բայտ մեծի մասին ասոր կամ անոր բնակութեան տեղը
կամ գաղթականութիւնը կամ շինութիւնները կամ
անձնական յատկութիւնն է: Աս պզտի տեղեկու-
թիւններն ասանկ տեղական կամ անձնական անուն-
ներու հետ կապուելով՝ շատ գիւրաւ կրնային տես-
լական ըլլալ:

Իսկայ մէկալ կողմանէ ալ՝ անտարակոյտ է որ աս
անգիր յիշատակները՝ յիշողութենէ յիշողութիւն
անցնելու ատեն՝ կրնան կամ կրճատուիլ եւ կամ
բոլորովին մարիլ: Մէյ մը ասանկ մարելէն ետքը՝
գարձեալ զանազան մակաբերութիւններու եւ հա-
մեմատութիւններու կարօտ կ'ըլլանք, թէ որ ասոնց-
մէ տեղեկութիւն հիւսել կ'ուզենք: Անոր համար
հոս ալ գարձեալ հնագէտ մը շատ շուտ կը գլորի՝
թէ որ ինք զինք մակաբերութիւններու ձեռք թո-
ղու առանց ընտրութեան առողջ ճաշակ ունենալու:
Թէ վերը նշանակուած օրինակները կամ անոր նման
նոյն մատենագրին քով գտնուածներն ինչ աստի-

ճանի ստուգութիւն կամ ճշգրտութիւն ունին՝ անոր վրայ շատ չ'անցնիր, մանրամասն խօսելու տալիք կ'ունենանք:

Հ Ա Տ Ո Ւ Ա Ն Գ.

Առաջին:

Ասոնք ուրիշ միջոց մըն են, որով հնութիւնն ինք զինքը տեւական ընելու աշխատած է: Հիները գլխաւորաբար իրենց բարոյական սկզբունքներն առակներով յաջորդաց կ'աւանդէին: Գրոյ պակասութեան առնէ՝ գործնական խրատները յիշողութեան մէջ պահելու համար ասիկա մէկիկ ճամբայ էր:

Ասոր համար է որ քանի մը հնութենէ մնացած առակներնուս նիւթը՝ ուղղակի քաբոյակն եւ անուղղակի պարմակն է: Հայր մը իր սիրելի որդեակն առջեւն առնելով՝ կամ մնլութեամբ մը նշանաւոր եղած անցած գացած մարդու մը կեանքն առջեւը կը դնէ՝ որ մնլութեան մը բերած չարիքն ազդու եղանակաւ ցուցնէ ու անկից զգուշացնէ, եւ կամ իր նախնեացը մէջէն երեւելի գիւցազն մարդու մը քաջութիւնն ու զօրութիւնը պատմելով՝ զինք հայրենեաց օգտին համար գործունէութեան կը յորդորէ: Առ պատմական խրատներն անկէ ետեւ ընտանեաց մէջ համառօտ խօսքով մը յարմար ժամանակին յիշուելով՝ Առակ կ'ըլլայ ու պատմութիւնը լռելիայն կ'իմացնէ:

Աս առակը «Թէ քո Շարայի որկորն է, մեր Շիրակայ ամբարըն չեն», — Թէ հատու ու Թէ քաղցր յանգիմանութիւն մըն է, զորն որ չափաւոր ունեւոր մէկ ընտանեաց մէջ որկորոյն չափ չզնոզ մը ընտանեաց մեծերէն կ'ընդունի: Որովհետեւ Շարայ Արմայիսի որդին շատակեր ըլլալով եւ միանգամայն շատ որդւոց տէր, իր հայրն որ ասանկ ընտանիք մը պահելու միջոց չունէր՝ զինքը Շիրակ գաւառը խրկեց,

որուն տւատութիւնն ու պաղարեութիւնը ասանկ բնակիչներ կրնար հիւրընկալել¹:

Արկրորդ տեսակէն մնացած կը գտնենք աս առաւելը. “Դրեւ զսէզն Տրգատ” որ սիգալովն աւերեաց զԹումբս գետոց եւ ցտմաքեցոյց ի սիգալ իւրում զյարձանս ծովուց”, Տրգատայ քաջութիւններն աս առակին առիթ եղած էին, որն որ պատերազմաւէր ազգի մը բերան շատ վայելուչ էր²:

Արեանք բարոյական կամ գործնական՝ խոհեմութեան բացազանչական առակ մը սեպել աս ալ. “Աստ արկեր զգազիւ գիրկս. (բայց թէ ժողովել կարիցես՝ մեծ զարմանք իցեն), որ գրեթէ ան նշանակութիւնն ունի՝ որն որ սուրբ Գրքին “Ընդգէմ խթանի պքացել, բսածն ունի: Առիթը՝ որուն մէջ կը պատմուի որ աս առակը գործածուած ըլլայ՝ խօսքին նշանակութիւնն ու զօրութիւնն աւելի ճիշդ կը ցուցնէ: Երբոր Շապուհ Բ. Սասանեան պարսիկ թագաւորը մեր Պապ արշակունի թագաւորին դէմ պատերազմի կու գար՝ Ուռնայր Աղուանից թագաւորը խնդրեց. Շապուհէն որ պատերազմի աւտեն ինք մինակ իր Աղուան գնդովը Հայոց գնդին գէմ կենայ, Հայերն ինծի յանձնէ, բսաւ. թող Պարսից զօրքը՝ միայն Հայոց նիզակակից Հռոմայեցւոց զօրքին դէմն ելլէ: Մերութան արծրունին՝ որ ինքն ալ Պարսից կողմն անցած էր, երբ որ Ուռնայրի խնդիրն իմացաւ ու Շապուհին հաւանութիւնն ալ լսեց՝ դարձաւ Ուռնայրին ու վերի առակն բսաւ: Բագաւաւնին քովի պատերազմը Մերութանին խօսքը ստուգեց. յաղթութիւնն Հայոց եղաւ եւ Ուռնայր Պապայ Մուշեղ զօրավարէն վերաւորած փախաւ³:

Աս առակները կամ թէ ըսեմ առակաց փշրանք-

1 Ա. Խոր. Գիրք Ա. ԳԼ. ԺԲ:

2 Ագաթանգ. էջ 99—100:

3 Բուզ. Դպր. Ե. ԳԼ. Դ:

ները՝ ինչպէս յայտնի կը տեսնուի՝ ամէնքն հաւա-
սար հնութիւն չունին, այս ինքն՝ վերջիններն առ-
ջինին բարձր հնութիւնն ու կոկկութիւնը չունին։
Վերջինին մեկնութիւնը յայտնի է. որովհետեւ ան
երկուքն անանկ հեղինակներէ առնուած են, որոնք
Ճոխարան ոճ մ'ունենալով՝ առականներն ալ ճապաղ
ու ընդարձակ կերպարանք ընդունած են։ Իսկ առջե-
նին գեղեցկութիւնն ու ամփոփութիւնը կատարեալ
տեսնելու համար՝ պէտք ենք նախ աս ժամանակնե-
րու հին ազգային բանաստեղծութիւնը զննել, որուն
բաւական հարուստ մնացորդներ ունինք։

Հ Ա Տ Ո Ւ Ա Ծ Դ .

Երբեր։

Ի՞նչ որ առակաները մեր նախնեաց բարոյական
իմաստութեան վճիռներն են, երգերնին՝ իրենց
զուարթ գգածմանցն ու զուարճալի օրերուն փա-
ռաւորութիւնը, իրենց արուեստին, եւ գեղեցկու-
թիւն, չափակցութիւն ու դաշնակաւորութիւն ճանչ-
ցող մտքերնսն զեղուածներն են։ Ասոնցմով մեր
բուն հին նախնիքն որոշակի հնութեան ան ազգե-
րուն պարը կը մտնեն՝ որոնք կրթութեան առաջին
սկզբունքներէն ելած՝ կրթութեան որոշեալ աստի-
ճան մը հասան։ Ազգ մը՝ որն որ բանաստեղծութիւն
ունեցած է, մանաւանդ մեր ունեցած երգերուն վրայ
տեսնուած կատարելութեամբ՝ հարկաւ քնո-լիտն բիրտ
ըմբռնմանց կապէն ազատած, իր երեւակայութեանը
աէր եղած է, ու հոգոյ կարողութիւնը զօրանալով՝
սկսած է բնութեան վրայ բարձրէն նայիլ, երեւա-
կայութեան առած պատկերները ժողովել, համեմա-
տել եւ բազմազունեան ծաղկանց փունջի մը պէս
ամբողջի մը կապել։

Բարեբախտութեամբ ասանկ հին ազգային եր-
գերուն գոյութեանը վրայ փճելու հարկաւորութիւն

չունինք. բայց անոնց ժամանակին, հեղինակներուն, տեսակներուն, օգնականներուն, նկարագրին, տրուեստին ու լեզուագիտականին վրայ սովորականէն աւելի մտադրութեամբ նայելու կարօտութիւն կայ:

Ա. Երբոյ խմանաւ — հաշմանք:

Բովանդակ մատենագրութիւններնու մէջ չկայ անանկ բան մը որ ան զարմանալի ապաւորութիւնը վշանիս ընէ՝ զորն որ առ հին ազգային երգերուն իրենց նախնական կերպարանաց մէջ մնացած մասունքն անշուշտ կ'ընէ: Աս ապաւորութիւնը գրգռող յատկութիւններէն առջինը անտարակոյս իրենց բարձր հնութիւնն է: Նաբոլէոն՝ Եգիպտոս արշաւած ատենը՝ հին Եգիպտացւոց մեծայայլ թրգունքը Գաղղիացւոց ցուցնելով՝ «Վրանիդ դարեր կը նային», ըսաւ. բայց հոս թէպէտ դարերուն վրայ նայողը մենք ենք, սակայն ապաւորութիւնը նոյն է:

Սակայն երբ է աս երգերուն ժամանակը: Աս երգերը մէյ մը շինուելու, մէյ մ'ալ գործածուելու կամ կենդանի տեսելու ժամանակ կրնան ունենալ, եւ ընդհանրապէս՝ իրօք ալ ունեցած են: Շինուելու ժամանակին նկատմամբ՝ աս երգոց նիւթը ժամանակագրական պատմական ըլլալով ու ազգին սիրելիներէն մինչուկ հեթանոսական ժամանակին վերջերը ձգուելով՝ չէր կրնար ամէնը մէկէն հին ատեններն իսկզբան շինուած ըլլալ: Մէկալ կողմանէ ալ՝ թէպէտ ըստ ինքեան կարելի էր որ ամէնը մէկէն հեթանոսութեան վերջին ատենները շինուած ըլլային, սակայն աս տատամսութենէն ալ զմեզ ազատելու համար պատմութիւնը մեզի հաստատուն կէտ մը կու տայ եւ քրիստոսէ մէկ ու կէս դար (այս ինքն Հայաստանի քրիստոնեայ ըլլալէն 450 տարիի չափ) յառաջ բացայայտ աս երգերուն գոյութիւնը կը ցուցնէ: Երբ որ մէյ մը ստուգութեամբ գտանք որ

1 Մար. Աբա, աւ Խար. Գիրք Ա. Գլ. ԺԴ:

աս երգերը մէկ անգամով շինուած չեն, ո՞վ կրնայ հաւանական սեպել՝ որ միշտ երկու անգամով շինուած են: Արդէն երգին ան մասն որն որ Արտաւազդ արքայորդւոյն վրայ գովութեամբ կը խօսի՝ ընականապէս՝ երգին ան մասէն առաջ շինուած է, որուն մէջ որ Արտաւազդ կ'անիծուի:

Եւ առ անգամով շինուած երգերը՝ զանազան երգիչներ կամ բանաստեղծներ կ'ուզեն: Սակայն առ պատմական երգերուն հեղինակները յանձնանէ կամ ի մասնաւորի ճանչնալու յոյսը մէկդի թող տալով՝ հազիւ կրնանք մինակ ընդհանուր սրտում մ'ունենալ: Նոյն իսկ աս երգերուն նիւթը կը ցուցնէ որ ոչ քրմերէ կամ անոնց ազդեցութեան տակ եւ ոչ կրօնական յիշատակներու կամ բազիններու առջեւ երգուելու համար շինուած են, որովհետեւ աս երգերն ըստ մասին քրմերու եւ բազիններու ժամանակներէն յառաջ էին. հապա անանկ անձինք են առ բանաստեղծները՝ որոնց առջեւ արքունիքը գոց չէ, կրնան կոր բարձրագոյն կարգի դէպքերուն մանր հանգամանքն ու ծածուկ պատճառներն իմանալ: Դարձեալ՝ աս բանաստեղծներն որոշեալ գաւառի մը փառքը չեն, մինակ տօհմի մը պարծանքներուն քարոզը չեն, իրենց երգը Հայաստանի զանազան իրարմէ հեռու տեղերու եւ տօհմերու յիշատակներն ունի, եւ ասով ազգային միութեան զգացումը զանազան հայ ցեղերու մէջ պահելու մէկիկ է: Բայց հարկաւ Հայաստանի ամէն կողմը բանաստեղծութեան փափուկ տունկը բուսցընելու եւ սնուցանելու հաւասար յարմարութիւն չունէր: Արդեօք Յունաց յոնիական կամ բիօփտական երգեցկաց զանազան դպրոցները հոս ալ փնտռելով է: Ո՞վ կրնայ որոշակի ըսել թէ արքունիքը կամ քանի մ'ազատ ցեղեր կամ նախարարութիւններ իրենց քաջութիւններն անմահացընելու համար պատմական

շունիք. բայց անոնց ժամանակին, հեղինակներուն, տեսականներուն, օգնականներուն, նկարագրին, տրուեստին ու լեզուագիտականին վրայ սովորականէն աւելի մտադրութեամբ նայելու կարօտութիւն կայ:

Ա. Երէնց Եւանջելիս — Գլխաւոր:

Բովանդակ մատենագրութիւններնուս մէջ չկայ անանկ բան մը որ ան զարմանալի տպաւորութիւնը վրանիս ընէ՝ զորն որ աս հին ազգային երգերուն իրենց նախնական կերպարանաց մէջ մնացած մասունքն անշուշտ կ'ընէ: Աս տպաւորութիւնը գրգռող յատկութիւններէն առջինը անտարակոյտ իրենց բարձր հնութիւնն է: Նաբոլէոն՝ Եգիպտոս արշաւած ատենը՝ հին Եգիպտացւոց մեծայաղթ բրգունքը Գաղղիացւոց ցուցնելով՝ «Վրանիդ գարեր կը նային», ըսաւ. բայց հոս թէպէտ դարերուն վրայ նայողը մենք ենք, սակայն տպաւորութիւնը նոյն է:

Սակայն երբ է աս երգերուն ժամանակը: Աս երգերը մէյ մը շինուելու, մէյ մ'ալ գործածուելու կտմ կենդանի տեսելու ժամանակ կրնան ունենալ, եւ ընդհանրապէս՝ իրօք ալ ունեցած են: Շինուելու ժամանակին նկատմամբ՝ աս երգոց նիւթը ժամանակագրական պատմական ըլլալով ու ազգին սկիզբներէն մինչուկ հեթանոսական ժամանակին վերջերը ձգուելով՝ չէր կրնար ամէնը մէկէն հին ատեններն իսկզբան շինուած ըլլալ: Մէկալ կողմանէ ալ՝ թէպէտ ըստ ինքեան կարելի էր որ ամէնը մէկէն հեթանոսութեան վերջին ատենները շինուած ըլլային, սակայն աս տատամնութենէն ալ զմեզ ազտտելու համար պատմութիւնը մեզի հաստատուն կէտ մը կու տայ եւ քրիստոսէ մէկ ու կէս դար (այս ինքն Հայաստանի քրիստոնեայ ըլլալէն 450 տարիի չափ) յառաջ բացայայտ աս երգերուն գոյութիւնը կը ցուցնէ: Երբ որ մէյ մը ստուգութեամբ գտանք որ

1 Մար. Աբաւ, աւ Խոր. Գիւրք Ա. Գլ. ԺԴ:

առ երգերը մէկ անգամով շինուած չեն, ո՛վ կրնայ հաւանական տեսել՝ որ միայն երկու անգամով շինուած են: Արդէն երգին ան մասն արն որ Արտաւազդ արքայորդւոյն վրայ դովութեամբ կը խօսի՝ ընականապէս՝ երգին ան մասէն առաջ շինուած է, որուն մէջ որ Արտաւազդ կ'անիծուի:

Եւ առ անգամով շինուած երգերը՝ զանազան երգիչներ կամ բանաստեղծներ կ'ուզեն: Սակայն առ պատմական երգերուն հեղինակները յանձնանէ կամ ի մասնաւորի ճանչնալու յոյսը մէկդի թող տալով՝ հազիւ կրնանք մինակ ընդհանուր սրտում մ'ունենալ: Նոյն խոսք առ երգերուն նիւթը կը ցուցնէ որ ոչ քրմերէ կամ անոնց ազդեցութեան տակ եւ ոչ կրօնական յիշատակներու կամ բազմոթիւններու առջեւ երգուելու համար շինուած են, որովհետեւ առ երգերն ըստ մասին քրմերու եւ բազմոթիւններու ժամանակներէն յառաջ էին. հապա անանկ անձինք են առ բանաստեղծները՝ որոնց առջեւ արքունիքը դոց չէ, կրնան կոր բարձրագոյն կարգի գէպքերուն մանր հանգամանքն ու ծածուկ պատճառներն իմանալ: Դարձեալ՝ առ բանաստեղծներն որոշեալ գաւառի մը փառքը չեն, մինակ տօհմի մը պարծանքներուն քարոզը չեն, իրենց երգը Հայաստանի զանազան իրարմէ հեռու տեղերու եւ տօհմերու յիշատակներն ունի, եւ ասով տղգային միութեան զգացումը զանազան հայ ցեղերու մէջ պահելու մէկիկ է: Բայց հարկաւ Հայաստանի ամէն կողմը բանաստեղծութեան փափուկ տունկը բուսցնելու եւ սնուցանելու հաւասար յարմարութիւն չունէր: Արդեօք Յունաց յոնիական կամ բիւփտական երգեցկաց զանազան դպրոցները հոս ալ փնտռելո՞ւ է: Ո՛վ կրնայ որոշակի ըսել թէ արքունիքը կամ քանի մ'ազատ ցեղեր կամ նախարարութիւններ իրենց քաջութիւններն անմահացընելու համար պատմական

երգիչներ ունեցած չեն, եւ կամ Յունաց հազներ-
գուաց ¹ պէս՝ Հայաց վիպասաններն ալ Ազատաց
աներէն վարձուած չէին:

Աս երգերուն շինուիլը հեթանոսութեան հետ
միատեղ գտնէ ընդհանրապէս գազարած ալ է նե՛
գործածութիւնը հարկաւ կը տեւէր, արդէն շի-
նուածները յիշողութեանց մէջ կենդանի էին: Բայց
քրիստոնէութեան պաշտօնեաները սրշտփ կարելի է՝
առ հեթանոսութեան դաշտավայրներուն վրայ բու-
սած քիչ շատ թունաւոր ծաղիկները խղզելու կը
նայէին: Եւ սառագիւ բնականապէս շատ մեծ կրնային
բլլալ ան բարուց վնասակար տգաւորութիւններն,
որոնք (ինչպէս ունեցած հատակոտարներնու վրայ
տեղ մը կ'երեւայ) հսկայագործ պլլաբանութիւննե-
րով կը գրգռուէին, ու բանաստեղծական հրապոյրը-
ներն իրենց հեթանոսական փառաւորութիւններուն
յիշտաակը շատ կենդանի եղանակաւ նորոգելով՝ չա-
փէն աւելի զիրենք իրենց նախնեաց կը մօտեցընէին:
Հին Հայոց սրշտփ ալ "անսիրելութիւն երգարանաց
բանաւորաց", ² տանք՝ սակայն բաւական ընդհանուր
գործածութիւն կար. չորրորդ դարուն առանձինն
իրենց վիպական երգերուն ունեցած մեծ տէրը գի-
տենք ³: Դեռ հինգերորդ դարուն՝ իրենց գինաւէտ
երկիրներու բնակիչ ու կենցաղատէր գողթնացիք առ
հայրենի երգերն Երասխայ ափանց մօտ ու պղեւ-
տաններնուն մէջ կը հնչեցընէին ⁴: Ասոնց ասանկ մեծ
տէրով առ երգերը պահելուն ⁵ մեկնութիւնն՝ իրենց

1 Rhapsodes.

2 Խորեն. Ա. ԳԼ. Գ:

3 Փ. Բուլ. Գ. Դպր. ԺԳ. ԳԼ. "Ձիւրեանց երգս ա-
ւասդեւաց զվիպասանութեան սիրեցեալք ի փոթ
կրթութեանցն, եւ նմին հաւատացեալք եւ ի նոյն
հանապազորդեալք,":

4 Խորեն. Գիրք Ա. ԳԼ. ԼԱ:

5 Խորեն. Գիրք Ա. ԳԼ. Լ:

Հեթանոսական հայրենի կրօնին ունեցած սէրն ու նախանձաւորութիւնն է: Գողթնացիք գրեթէ Հայոց մէջ ան ցեղն եղան քրիստոնէութեան նկատմամբ՝ որն որ Գերմանացւոց մէջ Սաքսոններն էին: Դեռ հինգերորդ դարուն առջի կէսին իրենց մէջ ծածուկ կամ յայտնի հեթանոսութիւն կար, անանկ որ Ս. Մեսրոպ իր առաքելական կենաց մէկ մեծ մասն անոնց դարձին զոհեց¹: Ասանկով հեթանոսական երգերը՝ հեթանոսական կրօնը, եւ հեթանոսական կրօնը՝ երգերը բռնելով, նոյն դարուն վերջի կէսին մէջ՝ առանձինն Գողթան երգիչներու ակումբն իբրեւ նշաւնաւոր համբաւուած էր², եւ ան երգերը գոնէ ըստ մասին շատերուն ծանօթ էին³: Ո՛վ կը յուսար որ հինգ դար ետքն ալ գեռ ասոնց հետքը գտնուի: Մագիստրոս բոլորովին նոր հատուած մ'ալ գեղջկաց բերնէն լսած է (որն որ ետքէն կը տեսնենք): Մէկ կողմանէ իր անձին բարոյական նկարագիրը՝ եւրաշխաւորութիւն կու տայ որ աս ծանր մարդը զմեզ խաբել ուզած չըլլայ, մէկալ կողմանէ ալ՝ նոյն դարուն բանասիրական ծանօթութեանց վիճակը ապահով կ'ընէ զմեզ՝ որ խաբել ալ չէր կրնար. որովհետեւ միայն տասնութներորդ դարու հայերէն բանասիրական ծանօթութիւնները գուցէ հազիւ կարող ըլլան կերպով մը ան նոր հատուածին պէս հատուած մը՝ առաջուց ունեցած հատուածներնու նմանութեամբ՝ շինել: Ա՛լ անկէ ետեւ աս երգերը հնչելէն կամաց կամաց դադրելով՝ դրոց մէջ իրենց թողուցած հետքերը կը փնտռուին:

1 Կորիւն՝ Վարդ Ս. Մեսր. եւ Խորեն. Գիրք Գ. ԳԼ ԽԷ եւ Կ:

2 Խորեն. Գիրք Բ. ԳԼ ԽԹ:

3 Խորեն. Գիրք Բ. ԳԼ ԿԱ:

Բ. Երգերու տեսիլ:

Նորգերը՝ որոնց ժամանակին ու հեղինակաց վրայ խօսեցանք, սրչափ հնութեան զանազանութիւն, սրչափ այլեւայլ հեղինակներ ունենան, սակայն. ամէնքը մէկէն մէկ տեսակ են, պատմական բանաստեղծութիւն: Կամ՝ մեր նախնեացը լեզուաւ խօսելով՝ վեպ¹, վիպասանութիւն, վիպագործութիւն² ու խօսեցաց երգեր³ են:

Իւրոյց առ վիպագործութեան՝ որն որ միշտ ու ամէն տեղ բանաստեղծութեան անդրանիկ ծնունդն եղած է, շուտով քնարական⁴ կը հետեւի: Ժողովուրդ մը՝ որ մէյ մը իր քաջերն պսանկ արուեստով փռուաւորելու յաջողակութիւնն ունեցած էր, անկարելի էր որ առ իր ճարտարութիւնն իր վառ-վառն ընկերական կենաց զանազան առիթներուն մէջ չգործածէր, եւ անանկով վիպական երգերէն զատ զանազան առիթից յարմար կարճ կարճ երգեր շունենար: Իրօք ալ նոսախ, ցոցոց, հիշմոք, ճիւղնալ եւ այլն անուամբ երգեր յեշուած են. (տաղ, շէր եւ այլն անունները՝ թէ անուամբ ու թէ՛ իրօք շատ նոր են):

Աս քնարական երգերուն արուեստաւորաց կողմանէ առ անտարակոյս է՝ որ ինչպէս պատերազմական ու քաղաքային դէպքերն արիական մտածութիւն ու սիրտ պահանջելով՝ վիպագործութիւնը գլխաւորաբար բանաստեղծից ձեռքն էր, մեղկ քնարականը՝ գլխաւորաբար ընտանեկան յարաբերութեանց աւելի դիւրաշարժ բանաստեղծութեանց արուեստաւոր սեպուէր: Թէպէտ ասոնցմէ՝ առջիններուն պէս առջեւնիս օրի-

1 Épique.

2 Έπος.

3 Épopée.

4 Ուրիշ անգամ՝ ք. Բազումգէն ու խորհնացիէն յառաջ բերուած անգերը:

5 Lyrique.

նակներ չունինք՝ իրենց որպիսութիւնը քննելու, սակայն ասոնց թէ՛ առջիններէն զանազանութիւնն եւ թէ՛ իրարմէ տարբերութիւնը ստուգիւ արուեստի կողմանէ չէ, որչափ՝ իրենց նիւթին ու գործածութեան աւթից կսզմանէ:

Այոց դեռ քրիստոնէութեամբ բարձրագոյն մտածութիւններու եւ յոյսերու չվերացած բնութեան կենաց մէջ ընկղմած վայրագ ժողովուրդն իր պատերազմներէն ու որսերէն ետքը՝ ուրիշ մէկ այնչափ զինք բոլորովին յափշտակող ու խորունկ մտադրութիւնը գրաւող բոպէներ չունի՝ ինչպէս զուարթ ու ընկերական խնճոյք կամ գինարբուք մը, յաջող ու յաւաստից հարսանիք մը ու անողբելի մահուան արկածը, որոնք իր կենացն սղբերգութեան¹ նշանաւոր արարուածներն² են: Մեր հին պատմագրութիւնները՝ մրշտի մասնաւոր դէպքեր պատմելու ազահ բլլան, սակայն շատ անգամ առիթ կ'ունենան կամ թագաւորական հարսնիք մ'երեւցընելու, որուն հանգիստութեանն ատեն բոլոր երկիրը շարժի, ու այլեւայլ հրապարակական ուրախութեան նշաններուն մէջ՝ ցոյց կամ ցցոց երգեր բլլան³, եւ կամ ինչպէս թագաւորները⁴, ասանկ ալ ընչաւետ նախարարներ իրենց որսին երէններէն շինուած կերակուքներով զարդարուած ու ծաղկալից սեղաններուն վարձակներ ու երգեցիկներ պակաս չէին ըներ⁵: Այսպէս Բակքոս ու Աստղիկ իրենց քնարականն ունենալէն ետքը՝ ողբերգակ քնարական մ'ալ դաժան Ատրուպոսին նուիրուած էր: Ինչպէս ամէն նաեւ քիչ մը նուազ կրթեալ հեթանոս ազգաց՝ անանկ ալ

1 Tragédie.

2 Acte.

3 Ագաթ. Ժէ:

4 Խորեն. Գիւրգ. Գ. ԳԼ. ԺԹ. Գ. Բուզ. Ե. Դպր. ԳԼ. ԼԲ:

5 Խորեն. Գիւրգ. Բ. ԳԼ. ԿԳ:

Հայոց չափազանց ու յուսահատ արտմութիւնն անբնական բացաարութիւններու կը գիմեր: Արդէն Հոմերոսի Իդիականին մէջ մեռելը գորգի վրայ կը դրուի. մէկ գիէն արք գլուխնին մօխի՝ գետնի վրայ ինկած կը թաւալին, մէկալ գիէն կանայք կուրծքերնին կը ծեծեն, այտերնին կը ցտեն, փետտած մազերնին ու կարտած խապոպիները ցուրտ գիդն վրայ կը նետեն: Հեկտորին գիդն քով՝ երգիչներն աշխարող կանանց հետ ողբոց ձայները տալէն ետքը՝ Անդրոմաքէ իր էրկանը գլուխը ձեռուքներն առած՝ իրենց ձայներուն արձագանգ կ'ըլլայ, ու մէկալ կանանց ողբերուն՝ առաջնորդ (մայր ողբոց): Աս նկարագիրը կարծես թէ փառանձեմայ՝ Գնեւայ դիակին քով բրածներուն նախատիպն է: Հայաստան ալ շատ կանուխ յատուկ երգեցկաց դասեր ունէր՝ եղերամարք կամ ձայնարկուք ըսուած (կուսանք ու կանայք), որոնք սեւեր հագած իբրեւ թէ դիահանութեան անհրաժեշտ սպասահարկութիւն մը կ'ընէին իրենց կեղծեալ եւ ցաւալի ծափահարութեամբն ու որուեստական ոգւերովն: Ասոնց երգերուն կամ Դրմաւններուն յիւթը՝ վախճանեղոյն հասակը, կեանքը, զանազան ընտանեկան յարաբերութիւնները, մահուան կերպն ու առիթը կու տար, եւ անանկով գրեթէ փոքր վեպասանութիւն մը կը շինուէր: — Քրիստոնէութիւնը՝ որն որ ցանկութեանց մանաւանդ սանձ քան թէ ճարակ կը հոգայ, շատ իրաւամբ աս քնարական երգերուն ծուռ աչքով պիտ'որ նայէր: Նոյն տեսակ երգեր էին՝ որոնցմով անցած գացած հե-

1 Փ. Բուշ. Դ. Դպր. Գլ. ԺԵ:

2 Խորեն. Գիրք Բ. Գլ. Կ: Փ. Բուշ. Ե. Դպր. Գլ. ԼԱ: Կոծ, աշխարան, ողբ, ակիրք Լալեաց ըսուած — *κοπετός, ὁδύρομος, θογγυος*.

3 Nenia

4 Փ. Բուշ. Դ. Դպր. Գլ. ԺԵ:

Թանտութիւնը մէկ ու կէս դար խի ետքը նորէն
Հայաստան բերելու աշխատուեցաւ¹։ Եկեղեցւոյ կար-
գերը գործնականապէս աւելորդ ըրած էին ձայնար-
կուաց խումբը՝ պաշտօնէից զնգոյն ու իրենց ծանր
սաղմոսներովն ու օրհնութիւններովը։ Սակայն հարկ
կար որ դեռ շատ ատեն թէ եկեղեցական օրէնագրու-
թիւնն առ սովորութեան դէմ օրէնքները կրկնէր², ու
թէ բեմէն ստէպ յարութեան յոյսը քարոզուէր³։

Բուն Բանադործական Բանաստեղծութիւնը⁴ ինչպէս
իրենց դրացի Պարթեւաց մէջ, ասանկ ալ հին Հայոց
մէջ հայրենական ու բնիկ չէր։ Ստոյգ է՝ հինգերորդ
դարուն վերջի կիսոյն մէջ Թատերաց ու Թատերական
դասանաց դէմ պատուէրները⁵ յայտնի կը ցուցը-
նեն թէ նոյնքը Հայաստան ալ ըլլան, բայց հարկաւ
կամ խաղացողները յոյն էին, եւ կամ 100 տարիէ
մ'ի վեր Յունաց ձեռքն եղած Հայաստանի աւ-
րելմտեան մասին մէջ տարածուած էին։

Գ. Ընկերու նաախարաններ։

Թէ վիպասանական ու թէ քնարական բանաստեղ-
ծութեանց հետ՝ կենդանի ձայնէն զատ գործիա-
կան ընկերութիւն⁶ մ'ալ անբաժին էր։ Հին Հայոց
ամէն երաժշտական կամ դուստնական գործիք-
ներուն (նուագարաններուն) ճշդիւ ինչ ձեւ ունենալը
ճանչնալ՝ կարելի չէ։ Յունաց քանդակագործութեան
գեղեցիկ յիշատակարաններն ու նկարազաւոյճ խե-
ցեղէն անօթները չունինք կամ դեռ մեր տեսու-
թեանը չէ հասած, որ մարմարեայ մուսայից ձեռքի
նուագարանները կամ ընտանեկան երաժշտութեան

1 Եղիշ, Պատմ. Վարդ. Գ. էջ 108։

2 Փ. Բուլ. Գ. Դպր. ԳԼ. Գ.։ Կանոնագիրք՝ ստէպ։

3 Յովհ. Մանգապ. ստէպ։

4 Dramatique.

5 Յովհ. Մանգապ. ճառ ժի։

6 Accompagnement.

գործիքները դիտենք: Սակայն ընդհանուր որպիսութիւնը նաեւ առանց ասոնց կրնայ ճանչցուիլ: Հնոց երեք տեսակ գործիքներն ալ հին Հայոց ծանօթ էին, որովհետեւ փշաղան, լարական ու լնդական գործիքներ ունէին: Փռչելիքներ (առանձին կամ շատն իրարու հետ կապուած այլեւայլ ձայնի աստիճաններով՝ իբրեւ երգիոն)¹, (հաւանականաբար նաեւ) եղջերեայ ու պղնձ². փռիւզացի «բնիկ» իրենց դրացի ազգէն կրնար դիւրաւ գալ: Աղեաց նուագարաններ էին՝ Ժնար, Ղնար, Գաւիլ, Գանդիւն, Վին ու հաւանականաբար՝ միայն խորենացոյն քով յիշուած ու վիպասական երգերու ատեն գործածուած Բաժիւն՝ որն որ վերիններէն մէկուն հետ նոյնանշան պիտ'որ ըլլայ ու իր արմատն ալ փիլոնի Թարգմանութեան Բաժիւն բառին մէջ եղած կ'երեւայ, ուստի եւ բարձր կեկ (բամբ = պարսկ. պամ) ձայն մ'ունեցող աղեբախ նուագարան մը պիտ'որ ըլլայ: Հարկաւ ասոնց շատն ինչպէս անուամբ՝ ասանկ ալ կամ աղեաց Թուով կամ կազմուածքին ձեւովն իրարմէ տարբերութիւն մ'ունին: Ծնծղայ ու Թմբուկ գրեթէ միշտ յիշուած նուագարաններուն արքանեակներն էին³: Իսկ հին Հայոց ձայներուն կամ դաշնակաւորութեանց⁴ կամ գեղգեղանաց ինչ չափ ու ինչ կերպ ունենալուն՝ ո՞վ կրնայ լոյս տալ, ուր որ Յունացն անգամ աղէկ ճանչցուած չէ: — Ամէն երեւելի առթիւց մէջ գուսանութեան կամ երաժշտութեան դուստր՝ Աջաւ քիչ շատ արուեստական եղանակաւ մը կ'ընկերանար, երբեմն առանձին իբրեւ կոտակ, կոյնի կամ վալ, երբեմն բազմութեամբ իբրեւ պար կամ պարանցիկ⁵,

1 Մամբ. Ճառ. Ի յար. Ղազարու:

2 Խորեն. Գիրք Բ. ԳԼ. Կ:

3 Վերը յաւաք բերուած տեղերը:

4 Ἀρμονία.

5 Ագաթ. ԺԷ:

եւ որն որ զարմանալի է՝ նաեւ եղբրամարք իրենց սեպհական տրտմալի կաքաւուն եւ պարուց տեսակն ունէին ¹ :

Դ. Երէոց արտօսքը, հոգին ու լիցան:

Հին երգերնուս ժամանակներն, հեղինակներն ու զանազան տեսակները քննելէն ետքը՝ պէտք է որ անոնց արտօսքն ալ դիտենք: Թէ որ՝ ինչպէս վնշուկ հիմա ոտովորաբար կ'ըլլար, զմեզ առ երգերուն ու երգիչներուն ժամանակին ու պարագայից տանելու տեղ՝ զիրենք մեր ժամանակին ու պարագաներուն բերենք, այսինքն՝ մեր հնոց բանաստեղծութիւնը մեր հիմակուան ճաշակովն ու արուեստովը դիտել ու դատել ուզենք, եւ կամ Յունական-Հռոմէական բանաստեղծութեան ու նոյն իսկ Նոր պարսկային բանաստեղծութեան հետ ճիշդ համեմատութեան խոթենք, հարկաւ ոչ իրենց ճշմարիտ հոգւոյն կը թափանցենք եւ ոչ իրենց սեպհական եղած արուեստը կ'իմանանք:

Ստուգիւ շատ ծանր ականջ, շատ բուժ զգայութիւն պիտ'որ ունենայ առ երգոց իրենց նախնական կերպարանաց մէջ մնացած հատակոտորները կորզալէն ետքը՝ իրենց վրայ արձակ խօսքէ զանազանութիւն մը չտեսնողը: Բայց զիրենք ասանկ արձակ խօսքէ որոշող տարբերութիւնն ի՞նչ է: Շատերն երբեմն ասանկ ու երբեմն անանկ տաղական արուեստ մը նշմարել սւղեցին: Բիրտ մտածութիւն մը կ'ըլլար ասոնց վրայ (Արաբացւոց) նոյնաձայն վերջերն (յանգերը) վնտուել՝ կամ ամբողջ վանկերով եւ կամ պարզապէս ձայնաւորներու նոյնութեամբ, կամ թէ Գերմանացւոց Հիլդեբրանդեան հին երգին մէջ դիտուած՝ տողի մը զանազան անդամոց սկզբնական վանկերուն նոյնաձայնութիւնը: Բայց իրօք ուրիշ փորձերու ձեռք զարնուեցաւ. երբեմն վանկերու հրէ-

Ի՛նչ նշանակութիւն համարանքովն յափշտակուելով ու անոնց համեմատ առողերու կտրատելով, եւ երբեմն առ դրու-
թեամբ ալ չյագած՝ Յունական կամ Հռոմէական
շափերուն դիմեցին, այս ինքն՝ երկայն ու կարճ վան-
կերու համեմատութիւններով լուծուած մ'ուզեցին
գտնել. վերջապէս ասկից ալ դատարկ ելլելով՝ քիչ
մնաց որ ալ բացոյցայտ առ երգերուն մասնաւոր ա-
րուեստն ու արձակ խօզքէ ունեցած աստիճանութիւնն
ուրացուէր:

Իւլյց առ աստիճանի յոյսերնիս չէինք կտրեր՝
թէ որ առ հնութեան նկարը՝ ճշմարիտ դիւրէն դի-
տէինք: Աս դիւրքը միջին Ասիան եւ ի մասնաւորի
հին Ասիան էր: Բանաստեղծութիւնն Յունայի մէջ
յանկարծ չբուսաւ. ինչպէս յունական ազգը պատ-
մութեան անդրանիկ ազգը չէ, ասանկ ալ իր կրթու-
թիւնն առանց ենթադրութեան ու բոլորովին սկզբ-
նական չէ: Ուստի բոլոր Ասիայի կամ գոնէ միջին
Ասիայի հետ՝ Հայք ալ բանաստեղծութիւն մ'ունե-
ցան, որն որ թէ՛ ընդհանուր եւ թէ՛ ազգային բա-
նաստեղծութեան պատմութեան մէջ առջի շարքն
ու առջի օղն է: Աս նախնական ասիական բանա-
ստեղծութիւնն հետագաներէն զանազանող նկարա-
դիրն ան է՝ որ ասիականին վըսյ դեռ բնութիւնը
շատ տիրող է, որուն հակառակ՝ վերջնոց վըսյ տ-
րուեստն՝ որ բնութեան նախանձորդն է, զօրացած ու
տիրապետած է, թէպէտ մէկալ կողմանէ՝ ոչ առոնք
բնութիւնը բոլորովին թողուցած են եւ ոչ անոնք
արուեստը: Միջին Ասիայի ազգերուն մատենագրու-
թեան գլխաւոր երեւցողիչն Եբրայեցւոց ազգին
յաւիտենական մատենաներն են: Հին տրեւելեան
մատենագրութեան պատմութեան մէջ մեծ ու պա-
տուաւոր սպասաւորութիւն մ'ըրած կ'ըլլան Հայք՝
թէ որ իրենց հին մատենագրութեան հասակոտոր-
ներն եբրայական գրոց՝ նաեւ ասկար արձագանդ մը

կամ աղքատ յաւելուած մ'ըլլան: Իրօք ալ ինչպէս քանի մը բանի մէջ արդէն ակնարկեցինք, ու ետքը աւելի ծանրակշիռ նիւթի մէջ ասոր մաագիր ընելու առիթ կ'ունենանք, աս երկու ազգին բանաստեղծութեանը մէջ անանկ արուեստի նշանութիւն մը կը տեսնուի, որուն հասարակաց ազգիւրը՝ միայն հնութիւնն ու բնութիւնը կրնայ ըլլալ: Ուշափ նիւթոյ ու քանակութեան կողմէն¹ իրարմէ հեռու են, այնչափ իրենց տրուեստին մէջ եղած միաբանութիւնը զարմացուցիչ է. այս ինքն՝ որ այսշափ տարբեր նիւթի մէջ, այսչափ պզտի կտորներու վրայ՝ այնչափ շատ ու ստէպ նմանութիւն գտնուի, կամ երբայական նկարագիրը՝ բանաստեղծութեան գրեթէ ամէն կանոններովն անոնց վրայ երեւայ:

Հին ասիական բանաստեղծութեան արուեստին ջղերն են՝ Զափականութիւն կամ Թափականութիւն² ու Համեմատականութիւն³: Զափականութիւնը, այս ինքն՝ խօսքին թիւը, չափակցութիւնը կամ քայլը, հին քերթուածի մը շարժում՝ տուողն էր: Շատ հաւանական կ'երեւայ որ Խորենացւոյն աս երգերը՝ Խափաշ երգ կանչելուն ալ հիմն՝ նոյն թուականութիւնը կամ չափականութիւնն ըլլայ: Որովհետեւ իսկզբանէ բանաստեղծութիւնն երաժշտական կամ գուսանական արուեստի հետ կապուած էր՝ պէտք էր որ ինքն ալ չափով մ'ընթանար, եւ աս չափն իւրաքանչիւր նիւթին համեմատ խօսքի ներդաշնակաբար սահուն ընթացք մը, հոգում մ'ունենար: Աս չափականութեան կամ թուականութեան գլխաւոր կերպն է՝ մէյ մ'ըսուած բացատրութիւնը հետեւեալ բացատրութեան մէջ

1 Հին Կտակարանն ըստ նիւթոյն՝ պատմական, բանաստեղծական ու մարգարեական կը բաժնուի, եւ հետեւապէս՝ Փղին մասը Ս. Գրքին մէկ մեծ կազմիչ մասն է:

2 Rhythme

3 Parallélisme.

Նոր դարձուածով մը կրկնել՝ առանց իմաստին կապակցութիւնը խզելու, բայց միանգամայն ընթացքին մէջ նոր բառեր ու նոր իմաստներ առջիններուն հետ հիւսել. անանկ՝ որ աս առաքեալներէն կարգաւորութեամբ կապակցեալ խօսքերը կարծես թէ կահակածել ետեւէ ետեւ կը ծփան ու իրար դէպ առաջ կը քշեն՝ մինչոք որ որոշեալ ամբողջութեան մը հասնին: Այսպէս է սանեցած հառապատարներնու մէջէն ամենէն մեծն ու անարտաբեր՝

Երկներ երկին եւ երկեր,
Երկներ եւ ծիրանի ծով,
Երկն ի ծովուն ունէր զկարմրիկ եղեգնիկն.
Ընդ եղեգան փող ծախ ելանէր,
Ընդ եղեգան փող բոց ելանէր,
Եւ ի բոցոյն պատանեկիկ զաղէր¹.
Նա հուր հեր ունէր,
Ապա թէ բոց ունէր մորուս՝
Եւ աշխուճքն երն արեգակունք²:

Նոյն դաշնակաւոր կրկնութիւններն ու առաքեալներն իմաստի յառաջագիմնութիւնը, որչափ Եբրայեցւոց գրքերուն սկզբնագրին մէջինը շիջուցուի ալ նէ՝ կ'իմացուին՝ Վարմիր ծովէն անցնելէն ետքը թմբկօք ու պարուք երգուած օրհնութենէն՝

... «Աջ քս Յէր փառաւորեալ է զօրութեամբ իւրով
— աջ քս Յէր խորատկեաց զթշնամին... Հոգմով

1 Աս առջը ինչ ու Նորդիկ օրինակէ մը Ամստերտամ 1695ին թովմաս Վանանդեցւոյն հազարաթուութեամբը ապուած խորենացւոյն մէջ, եւ նոյն ապագրութեան վրայ Վենետիկ 1753ին Սարգիս արքեպիսկոպոսին հազարաթուութեամբը ապուածին մէջ է եւ ի Բոյոյն լուսիք խորդեալ պարսկիկ. թէպէտ աս ընթերցուածին հարազատութեան երաշխաւորութիւն չեն ի տար ոչ Վենետիկի նոր զգուշաւոր ապագրութեանց ձեռագիրներէն գտնէ մէկը եւ ոչ նոյն իսկ խօսքին շարքը:

2 խորեն. Գիւրք Ա. ԳԼ. ԼԱ:

որամուտեամբ քով պատանեցան ջուրք — պաղենցան
որպէս պարիսպ ջուրք — պաղենցան ալիք ի մէջ ծովուն
... Լուսնի ալիք եւ բարկացան — երկունք կալան զքա-
կիչս ֆանանացւոց — յայնժամ տաղնապեցան գառուորք
Եղովմայ եւ Իշխանք Մովսրացւոց — կալաւ զնոսա գո-
ղունք — հալեցան ամենայն բնակիչք ֆանանացւոց»¹ :

Ինչպէս նաեւ Դերովքայ օրհնութենէն՝

«Ղուարուք Թագաւորք եւ ունկնդիր լերուք նախարարք
— ես Յեառն երգեցից — եւ սաղմոս ասացից Աստու-
ծոյ Իսրայելի : — Յէր յեւանեւ քո ի Սէրայ — եւ ի չուեւ
քում յանգաստանացն Եղովմայ — երկիր շարժեցաւ —
եւ երկինք խռովեցան — լերինք շարժեցան յերեսաց
Յեառն Ելովմայ Սինայի — յերեսաց Յեառն Աստուծոյ
Իսրայելի : . . . Կապուա երանգոցն Սխարայ — կապուա
երանգոցն գոյնագոյն նկարուց — նարա պէսպէս նկա-
րուց, այն էր պարանոցին նարա կապուա : . . . Հեղե-
ղասն Կիսսնի մարժեաց զնոսա — հեղեղասն Կազեռի-
մայ, հեղեղասն Կիսսնի»² :

Ջերջի տողերը մեր հրապարակութենէն ուրիշ հաստա-
կոտոր մը կը յիշեցընէ, սրն որ ոչ առջինին մեծու-
թիւնն ունի եւ ոչ նոյն աստիճանի անարատութիւն,
այս ինքն՝

Հասուած գնացիւ Ջարգէս մանուկն ի Յուհաց
գաւառէն զքառազ գետով,

Եկիւ նստիւ զԸրէզ բլրով, զԱրտեզ քաղա-
քաւ, զքառազ գետով,

Կուի կափիւ զքուռն Երուանդայ արքայի³ . . . :

Հին առիական բանաստեղծութեան Չափականու-
թեան բուն դժը՝ Համբարականութեան վրայ է, որն
որ ուրիշ բան չէ բայց եթէ մի գլխաւոր իմաստ
կամ մասծութիւն մը բացատրող երկու կամ շատ
նախադասութեանց կանոնաւոր կապակցութիւնն ու

1 Եւք. ԺԵ.

2 Դաս. Ե :

3 Խորեն. Գեղք Բ. ԳԼ. ԿԵ :

շարքը: Հին արեւելեան բանաստեղծները խօսքի երկայն շրջաններով (պարբերութիւններով) խօսելու սովորութիւն չեն ցուցնէր, հապա հասարակօրէն կարճ վճռական նախադասութիւններ կը գործածեն: Բայց որպէս զի աս նախադասութիւնները միօրինակութեամբ մտադրութիւնը չյոգնեցընեն, զանոնք յօրինաւոր: Համեմատութեամբ մը իրարու հետ կը հիւսեն: Ասանկով այլեւայլ նախադասութիւններ բոլոր խօսքին նկատմամբ մէյմէկ անգամ կ'ըլլան: Հասարակօրէն երկու երկու իրարու քով կը լծակցին, երբեմն ալ երկուքին մէջ ուրիշ անգամ մը կ'իյնայ՝ որ ետքէն շորորդ անգամին հետ կը համեմատի. բայց ամենէն յաճախ երկու անգամներուն կապակցութիւնն է, որն որ մեր առջի մեծ հատակոտորին վրայ կ'երեւայ: Աս անգամներն իմաստին կողմանէ կամ հակադրական եղանակաւ կը կապուին, այս ինքն՝ երկու հակառակ նախադասութիւն մէկ ամբողջ իմաստ կ'ակնարկէ, որն որ առակաց մէջ ստէպ կը պատահի, ինչպէս ուրիշ անգամ յիշուած շատակերի առակին վրայ մեզի համար ալ օրինակ մ'ունինք, եւ կամ Բաղդադական, այս ինքն՝ երկու նախադասութեան մէկ ամբողջ իմաստի բաժանեալ մասունքը կ'ըլլան, յաջորդը նախորդին շարունակութիւնը կ'ըլլայ, բայց շատ անգամ աս շարունակութիւնը հասարակօրէն անդամներով կ'ըլլայ, անանկ որ երկու նախադասութիւնն ալ նման իմաստ ու մտածութիւն կ'ունենայ պզտի փոփոխութեամբ մը: Բաղդադականն ու Հաւասարազօրն աղէկ կ'երեւան աս դաշնակաւոր ու անարատ պահուած տողերուն մէջ՝

Տեղ սոկէ տեղսր է փեսայութեանն Աբառլիոի,
Տեղսր մարգարիտ է հարսնութեան Սաթինկանն:

1 *Systématique.*

2 Խորեն. Գիւրգ Բ. ԳԼ. Ծ:

Թուականութիւնն ու Համեմատականութիւնը՝ Հայոց հին տաղական արուեստին երկու գլխաւոր օրէնքները՝ նոյն հին արուեստին ու հիմնականին մէջ՝ բաց յայլոց ան էական զանազանութիւնը կը հիմնեն՝ որ հինին մէջ տիրողը՝ նոյն ատենուան մարդկան իմաստն ու մտածութիւնն էր, իսկ առոր հակառակ վերջինին մէջ ձեւը շատ կը տիրապետէ ու մարդուս մտածութիւնները շատ անգամ Պրոկրուստէսի երկաթի չափերուն կը յարմարցուն ¹։ Սակայն հիներուն ազատութիւնն ալ բոլորովին անկոպար չէր։ Ինչպէս հնոց աս կերպ երգերուն վրայ՝ նոյնպէս մերիններուն վրայ ալ կայ եւ եւ մը կամ Ամբարձումն ու Նուաճումն ²։ Ստուգիւ աստիճանաւոր հընչում մը՝ որն որ արդէն գոնէ տեղ տեղ մեր հատափորներուն վրայ բաւական զգալի է, հարկաւոր էր մէկ կողմանէ քերթուածն արձակ խօսքէ ընտրելու եւ մէկալ կողմանէ նուագարանաց ելեւէջին, կաքաւուց եւ պարուց յարմարելու համար։ Ասանկով հարկ էր որ վանկերու քանական կապ մ'ալ գոնէ երբեմն մտնէ։ Իրօք՝ թէ որ աղէկ միտ դրուի՝ քանի մ'անդամոց մէջ գտնուած չէ թէ մինակ բառերու հապա նաեւ վանկերու հաւասար թիւն առանց դիտման եղած չ'երեւար։ Թէ որ մէկ անգամ իրեն համապատասխանող անգամոյն մէջի վանկերէն թուով աւելի վանկ ալ ունենայ՝ շատ հիմ կայ կարծելու՝ որ ինչպէս երգի մերձեցուած ատեն, ասանկ ալ պարզ արտասանութեան ատեն շատ վանկեր մէկու կրնար ամփոփուիլ, մէկ վանկն ալ քանա-

¹ Յունաց առասպելը կ'ըսէ որ Թեսէոսի Ատտիկէէն անհետ ըրած հուղիհասարներէն մէկն ալ Պրոկրուստէս էր, որն որ անցնող գարձողը կը բռներ, կարճ մարդն երկայն երկաթի անկողնոյ վրայ քաշելով կ'երկընցըներ, երկայն մարդն ալ կարճ երկաթի անկողնոյ վրայ տարածած վերէն վարէն աւելորդը կը կտրէր։

² Ἀρσις καὶ Θέσις, arsis et thesis.

կապէս կրնար սաստկացուիլ: Տարակոյս չկայ որ աս վերջի գործողութեան հիմը՝ մեր ձայնաւորաց քանակականութիւնն (երկայն ու կարճ գուցէ նաեւ միջին ունենան) է. բայց ի՞նչ ընդգիմութիւն կայ աս քանականութեան գործածութիւնն այսչափ հին ատենուան մը համար ենթադրել, երբոր նոյն քանականութեան գոնէ գոյութիւնը դեռ հինգերորդ դարուն սկիզբն անժխտելի եղանակաւ կը ցուցուի¹, թէպէտ եւ աս բանս մեր հիմնական ազգային բանասիրական ծանօթութեանց չափոյն նայելով՝ մեղի Գորդեան հանգոյցն է:

Վարձեալ՝ արուեստի կողմանէ նայելով՝ չէ թէ միայն բնական էր որ աս զանազան ժամանակ շինուած երգերն այլեւայլ քերթողներու մաքէ ելած ըլլալուն՝ աս կտորը մէկալ կտորէն աւելի լեցուն, աւելի քաջահնչիւն եւ համեմատականութիւնն ու թուականութիւնն աւելի կոկիկ ըլլայ, հապա նաեւ պատմուած նիւթին համեմատ՝ օրինակի ազազաւ վեհ անձի մը շարժմանը կամ քաջութեան գործքի մը, երագութեան կամ հանդարտութեան, բարկութեան կամ հեղուութեան՝ արուեստն ալ պատասխանէ: Հետեւեալ մանր մանր բառերէ շինուած, ստէպ շեշտուած ու կտրուկ մնացած հատուածը՝ Բ. Արտաշէսի բերանը տրուած անէծքն է, որով իր տոգոհ որդին ու յաջորդը կ'անիծանէ.

Եթէ դու յորս հեծցիս յազատ ի վեր ի Մասիս,
Զքեզ կայցին քաջք, տարցին յազատ ի վեր ի Մասիս.
Անդ կացես եւ զլոյս մի տեսցես²:

Մինչուկ հիմա ըսուածներով երբեք ան դիտուած չէ՝ որ ասոնց համեմատ տաղեր կամ երգեր շինուին: Մէկ կողմանէ առջեւի օրինակներնու քիչութիւնը, մէկալ կողմանէ մեր վանկերուն քանակական չափե-

¹ Տես Կորին, Վարք Ս. Մեար. էջ. 10:

² Խորեն. Գիրք Բ. Գլ. ԿԱ:

որուն դեռ անտեղեակ ըլլանիս աս նմանողութիւնը շատ դժուարին կ'ընեն։ Սակայն տաղանդաւոր մէկն ասոնց չէ թէ մինակ յօրինման եղանակին հապանաեւ բանաստեղծական ու բանասիրական հոգւոյն աղէկ մը թափանցելէն ետեւ՝ ունեցած պզտի հատուածներնուս ոճովը պչափ երգ մը գրելու ըլլայ, յանդուգ փորձ մը չընելէն զատ՝ կարծենք որ գուցէ կրնայ հասարակաց հաճութեան ալ բանաւոր յոյս մ'ուներնալ։ Մեր հին երգերն աս կերպով ըմբռնած՝ մեր ազգային բանաստեղծական արուեստին պատմութեան մէջ առջի օղակն են. աս օղակը՝ նորերս շատ յաճախ գործածութեամբն իրաւամբ ձանձրալի սեպուած ճիշդ ու միօրինակ հաւասարաթիւ տաղաչափութեան հետ՝ ան տաղաչափութեան միջնորդութեամբը կը կապուի, որն որ աս երկուքին մէջտեղը կրնայ սեպուիլ՝ չէ թէ մինակ ժամանակին կարգաւը, հապա նաեւ բուն ներքին յատկութեամբն՝ որ կէս մ'առջինին ու կէս մ'ալ վերջինին նկարագիրն ունի։ Աս միջին տաղաչափութեան վրայ՝ որուն յարգն իր բաւական պատկառելի հնութեան մէջն է, իր սեպհական տեղն առիթ կ'ունենանք խօսելու։

Այն երգերուն արուեստէն զատ՝ բանաստեղծական զարգերն ու հոգին ունին բան՝ որ մեր հիմնկուան ճաշակին համաձայն ըլլայ եւ ունին բան ալ՝ որ անկից հեռու։ Հայ բանասէր մը չիկրնար առանց հաճոյական ճաշակագէտ զգացման լսել ան նաեւ իրենց բուն ամբողջէն քակուած ու քայքայուած խօսքերն ու բառերը, օրինակի աղագաւ՝ Ուլանի Զատիրամայ — Իսել Իսիւ ¹ զգուշ Երուանդայ — Գեհլայ Սափինի Գեհլան զարգոյն խա-

1 Մարգարէութեանց հայ թարգմանին ալ տեղ մ'առնալէս «Իսել Իսիւ ուռն հարկանել», գործածելը՝ գուցէ առանց աս երգերէն յիշելու եղած չըլլայ. յաւանդենք մինակ հարկանել ուռն կ'ըսէ։ (Եսայ. ԽԱ. 7.)

«արք եւ զոյց խաւարթի ¹, որոնց ամէն մէկն ընտիր բառեր են ու միայն վերջընթերը մեղի հիմա նշանակութեամբն անծանօթ է: Ուրիշ հատուած մ'ալ՝ որ Մագիստրոս մեղի պահած է՝ առ վերջի բղձման ձեւն ունի, եւ բառերուն ընտրանքն ու փափկուութիւնն իրարու հետ կը մրցին:

Ո՞ր ապր ինչ զծուխ ծխանի եւ զաւաւտն նաւասորգի, Զվազելն եղանց եւ զվազելն ² եղջերուաց:

Մէք փող հարուարք եւ թմբկի հարկանեաք ³:

Առ հասարակ բանասիրական խնդրոց մէջ առ երգերուն լեզուն մեծ հեղինակութիւն ունի: Օրինակի աղագաւ՝ թէ արդեօք մեր հինգերորդ դարուն մատենագրաց նորերս դիտուած երկու տեսակ լեզուին (դիւլթիքիւսեռն) ⁴ որը նախնականն ու բունն է՝ որոշելու բաւական է, վասն զի ստուգիւ ան երկուքէն մէկուն բոլորովին արեւակիցն է: Բայց առոնց ճիշդ բաղդատութիւնն ետքէն:

Աւանձինն արեւելեան կերպարանք մ'ունին պատկերներն ու նմանութիւնները: Պզտի նմանութեանց բառերը կամ խօսքերն ան աստիճանի յղկուած ու

¹ Խաւարք ու խաւարթի առ երգերէն դուրս միայն երկ'երկու ընդունելի տեղեր գործածուած աւել խրթի ընտիր բառեր են:

² Առ բայն ալ երկու օկզնական տեղ կայ. մէյ մը առ Եզնկայ (էջ 18), մէյ մ'ալ Ագաթանգեղոսի յառաջաբանին մէջ իբրեւ լարիլ օդ. բայց առ վերջինը մեր երկաթագիր կրկնագիր օրինակինն է, որուն ուղղութեանը վկայ կ'ելլէ Յովհան Վաթողիկոս՝ որ Ագաթանգեղոսէն առած՝ լարիլ օդ կ'ըսէ, ուր որ Ագաթանգեղոսի Փարիզեան օրինակին մէջ լարիլ օդ է: Երանն ալ առ երգերէն դուրս ապահով տեղ մը միայն նոր գտնուած Սիրաբայբուն հին թարգմանութեան յիստիս բառէն գիտենք:

³ Վերջի տողին գոնէ անարատ մնացած բլլալուն երաշխաւոր կենալ չենք կրնար:

⁴ Տես Նկարագիր ուսմ. ի Հ. Մատթթիա վ. Գարաբաշ. էջ 30—39:

գեղեցիկ են, որ Յունաց ու Հռոմայեցւոց նոյն տեսակ զարդերուն հետ համեմատուելու կու գան. ծիրանի ծովը գրեթէ Վիրգիլիոսի սիրական *purpureus* վերագրիւր կը յիշեցընէ. սեռն՝ Արտաշէսի սեւ ձին կը նշանակէ: Բայց աս երգերուն մէջ բուն Նամոս-Նիան, այս ինքն՝ անանկ համեմատութիւն մը՝ որուն մէջ երկու իրաց իրարու ունեցած նմանութիւնը խօսքին մէջ բացայայտ նշանակուի՝ ինչպէս է աս

Եւ անցեալ իբրեւ զարծուի սրբեւ ընդ գեան տողը՝ փոխաբերութեան նայելով շատ քիչ է: Փոխաբերութիւնն¹ ու Այլաբանութիւնը² արեւելեան բանաստեղծութեան շունչն ու հոգին է: Փոխաբերութեամբ՝ որուն մէջ նման իրը բոլորովին նմանցուածին տեղը կը գործածուի, կ'ըսեն մեր հասակոտորները՝ Կեղ ասի, կամ Կեղայ Կարգարի (այս ինքն՝ անձրեւի պէս վերէն թափած ոսկի դահեկան, կամ անձրեւի պէս մարգրիտ կ'իջնայ), վիշապազունք զԱրտաւազաւին եւ Կե- փոխաբերութիւն (այս ինքն՝ զգաստ մանուկ կը մոլի բրին) եւ այլն: Բայց բուն այլաբանութիւններն՝ որոնք փոխաբերութեանց շարունակուածը կամ ընդարձակ ու մանր նկարուած փոխաբերութիւններ են՝ ինչպէս ամէն արեւելեան նոյնպէս մեր հին երգերն արեւմտեանց բանաստեղծութենէն կը զատեն:

Աս տարբերութեան հիմն ուրիշ ներքին տարբերութիւն մըն է: Արեւելեանց ու անոնց հետ Հայոց երգերն ալ՝ որչափ որ շատ զարդարուած ըլլան, շինծու գէպքեր կամ առասպելաբանութիւններ չեն, հապա միշտ ու միայն պատմութիւն են՝ զանազան այլաբանութեանց գուներով նկարուած: Ճշմարիտ բայց մերկ դիպուածը՝ զորն որ Յոյք գէպքեր կտրելով կամ կպցընելով զարդարեցին, արեւելից ու Հայոց բանաստեղծներն աւելի անարատ պահել ուզելով՝

¹ Métaphore.

² Allégorie.

այլաբանութեանց քողովը ծածկեցին: Բայց որովհետեւ աս այլաբանութիւնները Ա. շատ մեծ ու խոշոր, Բ. շատ երկայն տարուած, Գ. իրենց ժամանակին ու տեղին մերձաւոր բաներէն առնուած են ու Գ. նմանութիւնը բոլորովին իրին փոխուած է, ինչպէս բաց ի ան Երջէր երջն հատուածէն՝ օրինակ կ'ըլլայ հետեւեալ հատուածս ալ՝

Հեծաւ արի արքայն Արուշէս ի սեռն գեղեցիկ,
Եւ հանեալ զոսկեօղ շիկափոկ պարանն,
Եւ անցեալ որպէս զարծուի որաթեւ ընդ գեան,
Եւ ձգեալ զոսկեօղ շիկափոկ պարանն,
Ընկեց ի ձիջ օրիորդին Աննաց.
Եւ շատ ցաւեցոյց զձիջ փափուկ օրիորդին¹.

անոր համար շատ տեղ ան դիպաց վրայ ձգուած քողերը՝ մեղի համար մեռելոց երիզապինդ կապանք են: Թէ որ մասնաւոր մեկնութիւնը չունենայինք², ո՞վ կրնար ապահովութեամբ իմանալ որ ոսկեօղ շիկափոկ պարանը կարմիր մորթոյ, լայքայի ու ոսկւոյ հրապարքն ու ձգիչ զօրութիւնը կը նշանակէ: Ուստի ինչպէս յունական հին բանաստեղծութեան մէջէն զուտ գէպքը սուտ գէպքէն զատելը պատմաբանին դժուարին է, նոյնպէս արեւելեան այլաբանութեանց ալ առեղծուածները լուծել դիւրին բան չէ:

Սինչուկ հիմա ըսուածներէն Հայոց հին բանաստեղծութեան յարգին վրայ ան կը մնայ հետեւցընելու՝ զորն որ ընդհանրապէս արեւելեան՝ գլխաւորաբար հին բանաստեղծութեան համար ըսած է համբաւաւոր Շլեյկէլ գերմանացին: «Արեւելեան քերթուածները, կ'ըսէ աս խորունկ պատմաբանն ու հնագէտ բանասէրը, գոյներու փայլունութեան, վեհութեան ու շքեղութեան կողմանէ Հոմերական քերթուածներուն կը հաւասարին, կամ կը գերազանցեն

¹ Խորեն. Գիրք Բ. ԳԼ. Ծ:

² Անդ:

ալ: Հոմերականները նշանաւոր ընողն է ան ավն-
երեւ բացայայտութիւնն ու ան մտաւոր ըմբռնման
ամենապայծառ յատակութիւնն՝ որն որ անանկ գողտր
միամտութեան ու երեւակայութեան յորդ եւ զե-
ղուն զօրութեանը հետ միաբանուած է,:

Ե. Երգչի նիւթ:

]] Եր հին երգերուն թէ հնոց ու թէ մեղի հա-
մար ունեցած օգուան եւ պիտանութիւնը՝ միայն
բանաստեղծութիւնն ու բանասիրութիւնը չի վայելեր,
հապա անոնցմէ աւելի իրական ուսմանց համար ալ
մեծ նպաստ կրնանք յուսալ: Թէ որ աս երգերուն
ձեւն ու կերպը յիշեալ ուսմանց համար է, իրենց
նիւթը՝ միայն պատմութեան սաացուածն է: Պատ-
մաբանն առանց արտաքին գեղեցկութեամբն ըմբռ-
նուելու՝ ասոնց ներքին հիւթը կը փնտռէ, եւ այլա-
բանութեանց քողերէն ազատած մերկ գէպքերն
իրեն մէջ մէկ շահեր կը համարի, զանոնք այնչափ
մեծ կը սեպէ՝ որչափ որ նոյնն ուրիշ կողմանէ ձեռք
բերելու քիչ յոյս ունէր:

Արովհետեւ պատմագրի առջեւ՝ ստուգութիւնն
ամէն բանէ վեր ածէք ունի, անոր համար աս եր-
գերուն նիւթն սլակից եւ ո՛ր կերպարանաց մէջ ձեռք
բերած ըլլալն՝ իրեն անտարբեր բան չէ: Աս դիտ-
մամբ՝ հին երգերնուս նիւթերն ստուգութեան երեք
առաիճան ունին: Ա. Ան նիւթերը կամ գէպքերը՝
զորոնք պահուած հատակոտորներուն մէջ իրենց
նախնական կերպարանօքը բառ առ բառ առջեւնիս
ուսենալով՝ ուրիշին վկայութեան կապուելու հարկ
չունինք: Բ. Ան գէպքերն՝ որոնք երգերուն սկզբնա-
կան կերպարանօքը չունինք, հապա անոնցմէ հանե-
լով ու պարզելով մեղի հաղորդուած են, եւ ասով
սկսած ենք ուրիշին վկայութենէն կախում մ'ու-
նենալու: Գ. Ան գէպքերն՝ որոնց համար ոչ եր-

գերուն սկզբնական կերպարանքն առջեւնիս ունինք եւ ոչ ալ ան երգերէն հանուած ըլլալուն բացայայտ վիպութիւն, հապա մեր քննութիւններն ու մակարեւութիւնները կը սկսին գործել՝ ջանալով որ նոյն երգերուն պատմածը գտնեն ան մատենագրաց մէջ՝ որոնք չէ թէ միայն նոյն երգերը կրնային գործածել, այլ նաեւ իրենց ընդհանուր ու անորոշ խոստովանութեանը համեմատ գործածած են՝ առանց բացայայտ ցուցնելու թէ մը մասնաւոր գէպքի նկատմամբ կը խօսին:

Այստեղ է որ աս տարանջատ երգերը գտնէ ըստ նիւթոյն սկզբնական ամբողջութեան բերել ուզողը՝ յոյսը գլխաւորաբար երրորդ կարգի դիպաց վըպ պիտի գնէ: Աս գործքիս՝ որուն նպատակը պատուական եւ ըստ մասին յաջողութիւնն անգամ՝ բաւական արդիւնք է, նորերս թէ մտադրութիւն ու թէ փորձ եղաւ: Բայց աս հին երգերուն բոլորական վերակազմութիւնն այնչափ անյուսալի է՝ որչափ նոյն իսկ հին պատմագրութիւննիս բոլորական ու լեցուն ամբողջ մ'ըլլալէն կը պակսի:

Ի վերայ այս ամենայնի՝ թէպէտ ան երեք կարգէն ունեցած նիւթերնիս ամէնքը միատեղ բոլոր կմախը կամ բոլոր շէնքը չեն ցուցնէր, սակայն քանի մը նշանաւոր ոսկրոտիները կամ զոյգ մը գեղեցիկ ախաւեղագէտով ոիւներ բաւական են համեմատութեամբ բոլոր մարմինը կամ ամբողջ շէնքն երեւցընելու: Աս ձեռք բերուած տարանջատ պատմական նիւթերը՝ կարգին կողմանէ իրենց սկզբնական կերպարանացն այնչափ կը մտենան՝ որչափ իւրաքանչիւր դիպաց ժամանակագրութեան համեմատ զետեղուին: Եւ որովհետեւ ասոնք մեր հին պատմութեան նկատմամբ յարգ ու ատէք ունին՝ նոյն պատմութեան բնական բաժանմանցը համեմատ՝ աս երգոց պատմական նիւթոյն պատկերը հանենք:

Ա. Առջի միջոցէն այս ինքն նախապետաց ատեններէն .

1. Խորենացիին՝ Գորգի, Բանան ու Դաւիթ (կրնայ մտոյդ սեպուիլ որ Դաւիթ Անյաղթն ըլլայ) Յունաստան կրթուած Հայազգիներուն մէկուն բերնէն՝ Ողոմպիոդորոս յոյն փիլիսոփային՝ Հին զըրոյցներէն. պատմածը կը բերէ, իբրեւ թէ Քսիսութրոս (Նոյ) Կորդուաց լերինքն իջնալէն ետեւ՝ իրեն Սեմ որդին քիչ մ'ատեն Հայաստանի հարաւային արեւմտեան կողմը լերան մը ստորոտ բնակելով ու ետքն իր Տարբան որդին ընտանեօքն ան տեղերը մնալով՝ լեռը Սիմ ու գաւառը Տարաւն ըսուած ըլլայ, ինչպէս նաեւ Նոյն Սեմայ Մարաստանի սահմաններուն վրայ առժամանակեայ ըրած բնակութեամբն ու որդիներէն մէկուն հոն հաստատուն բնակութիւն ընելովն՝ երկիրը (Սեմայ արեւելեան անունէն՝ Զրուանէն) Զարուանդ կանչուած ըլլայ։ Պատմագիրն աս զըրոյցներն իրենց հաւանականութեան մէջ թողլով՝ աս կ'աւելցնէ որ մեր հին երգերուն մէջ թէ ասոնք ու թէ ասոնց նմանները կը յիշուին¹։

2. 'Երոյն մատենագիրն Արամայ գէպ արեւմուտք ու հարաւ ըրած արշաւանները պատմելէն ետքը՝ Մար Աբասայ բացայայտ խոստովանութիւնը կը բերէ, որով աս թագաւորական պատմագիրը Նոյն գէպքերը սկզբնաբար (Հայոց) երգերէն առնուած են կ'ըսէ²։ — Ահա նախապետական ժամանակաց պինդ առջի ու պինդ վերջի գէպքերը. միջին դիպաց համար ո՛չ բացայայտ վկայութիւն եւ ո՛չ կատարեալ ստոյգ. ապացոյց ունինք՝ որ երգերէն առնուած մաս ունենան . սակայն թէ աս միջիններն ալ Նոյն երգոց մէջ գոնէ ըստ մեծի մասին կային՝ գրեթէ անհակառակելի կերպով հաւանական են թաղարկութիւն է։

¹ Խորեն. էջ 42 — 44։

² Անդ. էջ 75։

Բ. Լըկորդ միջոցէն, այս ինքն մէյ մը Աստ-
րեստանեաց պետութեան տակ հայկազուն կուսա-
կաներու ատենէն (— 600 նախ քան զՔր.), մէյ
մ'ալ Մարաց պետութեան տակ՝ նոյնպէս հայկա-
զուն թագաւորաց ատենէն (— 530 նախ քան զՔր.)
հետեւեալ դէպքերն ունինք.

3. Խորենացին Շամիրամայ Մարաստանի կու-
սակալէն յաղթուիլն, Հայաստան փախչելն ու հոն
սպանուիլը պատմելէն ետքը՝ ուրիշ կերպ պատմող
հեղինակի մը (Ափաղիսնին) գէժ՝ մեր երգոց վկայ-
ութեան կը բողոքէ: Աս երգերուն համեմատ՝ Շամի-
րամ կը ստիպուի ոտքով Հայոց կողմերը փախչելու՝
գործնք երբեմն յաղթանակաւ կոխած էր, արեւե-
լից աս մեծ թագուհին ծարաւած ջուր խմելու կ'ըլլայ,
բայց (Մար Աբասայ պատմութեան նայելով՝ իր Նի-
նուս կամ Զամնսիս որդիէն խաւրուած) սուե-
րաւորները վրայ կը հասնին. Շամիրամ իր յուռութ-
ները (Բզնունեաց) ծովը նետելով կը պոռայ "Ու-
լունք Շամիրամայ ի ծով,,. եւ վերջապէս քար կը
դառնայ": Աերջի այլաբանական բացատրութիւնն՝
որ Շամիրամ քար է դարձեր՝ գուցէ իրեն Հայաս-
տանի մէջ անմահ յիշատակ թողուցած Շամիրա-
մակերտ քարակոփ Վանայ բերդը կ'ակնարկէ: Թէ
Շամիրամայ աս վերջին դէպքերը նշանակող տողե-
րէն վեր՝, նոյն տիկնոջ ու զգաստասէր Արային մէջ

1 Խորեն. էջ 89 — 90: Հոս Խորենացւոյն "Շամիրամ
քար առաջին քան զՆիորէ", ըսածը՝ երգին բառ առ բառ
խօսքը պէտք չէ սեպել, հապա միայն Խորենացւոյն ը-
րած բաղդատութիւնը: Նիորէ՝ յունական առասպելաց
մէջ Յանտաղոս Փռիգիայի թագաւորին գուտորը՝ իր որ-
դւոց ու գտներաց բազմութեան վրայ հպարտացած՝ Լա-
տանան արհամարհեց. անոր համար աս երկնից թագու-
հին իր մէկ հատիկ որդւոյն Ապողոնին հրամայեց որ
Նիորէի զակընները նետահար սպաննէ. ասոր վրայ ցա-
ւագին Նիորէն քար դարձաւ:

անցածներն ալ եւ վերջնոյն եղբրերգական մահը նոյն երգերուն մէջ կային՝ անտարակուսելի է¹։

4. Երուանդ Սակաւակեաց հայկազուն թագաւորին Վարդգէս քեռայրը՝ Վարդգէսի աւանը կը շինէ, ուստի որ ետքը Վաղարշապատ պարսպաւոր քաղաքն ելաւ։ Աս բանը պատմող երգոյն հատակոտորին մէջ՝ հնախոյզ պատմագրին առջեւ մտադրութեան արժանի աս ալ կայ՝ որ հոն «Երուանդ արքայ», կը կոչուի², որն որ խել մը պատմութեան հաստատութիւն է։

5. Ասոր որդին ու անմիջական յաջորդը՝ Խորենաներ, Բուսեան, Բեղուան, Թեյնեայ, Նիհաւեդ, Խորեմեայ՝ ու Բեղեյնոս Տիգրան, ինչպէս վկայութենէ գիտենք, երգերուն մէջ իբրեւ ժողովալ ու շափաւար կը գովուի³։ Ո՞վ կրնայ մտածել որ երգերուն մէջ աս գովութիւնը բոլորովին կղզիացած էր առանց Տիգրանայ ուրիշ գործոց վրայ ձգուելու։ Սակայն խորենացին Տիգրանայ՝ Աժդահակայ ընտանիքն ու ընտոծիները Հայաստան գաղթական բերելուն հաստատութիւն մը տալու համար՝ ստիպուած կ'երեւայ Հայոց վերջի երգերէն ան խօսքերը

¹ Գրեթէ նոյնչափ անտարակոյս է՝ որ Շափրամայ զԱրայ գիւղանց մէջ գտնել տալէն ետքը Արալեզներուն (կամ Աւլեզներուն) լիզելովը կենդանացուցած ըլլալուն զրոյցը՝ Պաւսանի իր Հասարակապետութեան գրքին մէջ «Եր հայուն», վրայ յառաջ բերած զրոյցն է. իբրեւ թէ Պամփիւլիացի Եր անուամբ հայը պատերազմի մը մէջ ինչպէն տասը օր ետքը գիւղանց մէջ մարմինն անտարտ գտնուելով՝ երբոր խարուկի վրայ հանեցին որ պրքն, մէկէն տասուերկուերորդ օրը կենդանացաւ ու անդիի աշխարհքին բաները պատմելու սկսաւ։ Ասոր վրայ տես Պր. Մկրտչի Էմիւս Վիպի հոսի Հայաստանի ընտիր գործքը, տպ. Մոսկուա, 1850, էջ 85 — 93, որն որ գրուածներնուս տպագրութեան ընթացքին մէջ ձեռքերնիս հասաւ։

² Խորեն. էջ 297։

³ Անդ. էջ 109։

յառաջ բերել, որոնց մէջ Աժգահակայ սերունդը Վիշապաշունչ ու Վիշապ կը կանչուին:

6. Իր երրորդ որդւոյն՝ քաջ Վահագնի համար նոյն երգերը մեծ զարմացմամբ կը խօսին, աս դիւցազնին ծննդեան՝ երկինքն, երկիրն ու ծիրանի ծովն երկամբք բռնուած նկարագրելով, անոր համեմատ՝ քաջութեան գործքեր պատմելով, եւ ի մասնաւորի՝ այլեւայլ վիշապաց հետ կռուելն ու յաղթելը¹:

Գ. Երրորդ միջոցէն, այս ինքն՝ Արշակունի թաղաւորաց ատենուան դիպուածներէն.

7. Երգերը Տորք հայկազնոյն ուժեղութիւնը կը հռչակեն. որձաքար ու գեղ չունեցող վիմեր ձեռքն առած՝ ճեղքելով ուղած մեծութիւնն ու չափը տալէն ետքն՝ ըղնգամբքը նկարներ կը գծէր, կ'ըսեն: Անգամ մ'ալ Պոնտոս Եւքսինոսի եղբրքը՝ Թշնամեաց նաւերուն հանդիպելով՝ ութ ասպարէզ հռու բլրաձեւ քարեր ետեւնէն կը թաւալէ, ալեաց պատառուածն ու գիզուիլը նաւերուն կէսը կ'ընկղմէ կէսն ալ իրենց նպատակէն հեռու կը քշէ կը տանի²: Ինչպէս ուրիշ հեղ մտադրութեան հրաւիրած ենք³, ասիկա Հոմերոսի իր Ոդիսականին մէջ կեկղուպեան Պսղիւփեմոսի վրայ ըսածներուն շատ նման է:

8. Համեմատութեամբ ամենէն աւելի ընդարձակ, մանրամասն ու քիչ շատ կապակցեալ դէպքեր Արտաշէս Բ. թագաւորին ու իր որդւոցը վրայ ունե-

1 Խորեն. 126 — 127: — Իսկ Շիրակունւոյն ըսածը՝ Թէ հին Հայոց մէջ զրոյց ըլլայ՝ որ Վահագն ձմեռ առեն Բարշաձայ յարգը գողնալէն ետքը՝ ճամբան թափած մանր յարգերը կախին ձիւր շինած ըլլան, չէ թէ մինակ աս երգերուն մասը չէ, հապա եւ ոչ ալ շատ հին սկզբնալիս զրոյց մը կրնայ ըլլալ, որովհետեւ ժամանակագրական սխալով մը Վահագն ու Բարշաձ Ասորեստանեաց նախնին մի եւ նոյն ժամանակի կը բերէ:

2 Խորեն. էջ 170, 171:

3 Տիեզերական պատմ. Տում. Ա. էջ 585:

ցած ենք: Բացայայտ գիտենք որ երգերը կը պատմեն թէ Արտաշիսի Ալանաց ազգին հետ ունեցած պատերազմն Ալանաց Սաթինիկ օրիորդին Հայոց թագուհի Ըլալովը լմնցաւ, ու Արտաշէս՝ հօրը վարձանք տուաւ կարմիր մորթ, լայքա ու սկի, եւ (մեղի արգէն ծանօթ սովորութեամբ մը) հարսանեկան խնճողից տաճարին դրան առջեւ Արտաշիսի գլուխն ոսկի կը տեղար, Սաթինիկան գլուխն ալ՝ սրսկապանին դրան քով՝ մարգարիտ: Նոյն երգերն առ հարսանեաց պառուին ու հեանեութիւններն անյիշատակ շէն թողուցած: Արտաւազդ Արտաշիսի առջինեկ քաջ որդին Արտաշատ շինուելու ատեն իրեն յարմար բնակութեան տեղ չգտնելով, կ'ելլէ Մարաց մէջ (այս ինքն՝ Տիգրանայ բերած մարտկան դաղթակառնութեան մէջ) կ'երթայ. գուցէ ան ատենէն արքայորդին առ Վիշապազանց հետ գրգռութիւն մ'ունենալու կը սկսի, որուն վրայ Հայոց թագուհւոյն՝ Արգամայ (որն որ նոյն ազգին իշխանն էր) ունեցած կասկածելի հակուածն ալ գալով, անանկ եղաւ որ առ հզօր գաղթականութիւնը բնաբարձ ջնջուեցաւ: Օր մը, կ'ըսէ երգը, Արգաւան (Արգամ) խնճոյք տալով թագաւորական ընտանեաց՝ տաճարին (ճաշատան) մէջ թագաւորին ու իր ընտանեացը կենաց դաւաճանութիւն պատրաստած էր: (Խորենացին պարզապէս Արտաշիսի որդւոցը, գլխաւորաբար Արտաւազդայ ռիւթեանը կու տայ, որ ատանկ կասկած մը կեղծելով սեղանին վրայ աղմուկ հանեցին:) Երգերը պատմութիւնն առաջ տանելով շինծու աղմկին իրական հեանեութիւնը կը պատմեն, այս ինքն թէ Արտաշէս զԱրգամ բարձր (թագաւորէն ետքը՝ երկրորդական) պատուէն վար ձգեց, ու Արտաւազդ զնաց զօրքով զարկաւ, ջարդեց, Վիշապազանց շինուածներն այրեց միսիւր ըրաւ: Բայց նոյն երգերը կը ցուցնեն որ ինչպէս Արգամայ բարձրագոյն պատմ.

տիւն՝ ասանկ ալ ամեն մէկ աղքատագոյն ունեցած պատիւն ու իշխանութիւնն իրարու նախանձը կը շարժէր, գլխաւորաբար իրենց ամուսիններէն գրգռուած: Նոյն իսկ իրենց հօրն երախտաւոր Սմբատ Բագրատունին՝ որուն ճիշդ նկարագիր մը կու տայ երգը¹, աս իրենց նախանձէն ազատ չէր: Բայց քիչ մը ետքը աս ծերունի զօրավարին յարգը ճանչնալու ստիպուեցան՝ երբոր Սմբատ անտեսակալութեամբ եկաւ փրկեց զիրենք ան ատեն երբոր Հռոմայեցւոց զօրքը՝ ինչպէս երգը կ'ըսէ՝ Դոմեա անուն մէկու մ'առաջնորդութեամբ զիրենք ներք խաթած էր²: Արաաշխի (գուցէ) իր արդէն պատմուած հիւանդութեանն ատեն կրած՝ Հայաստանի եղանց ու եղջերուաց որսի կարօտն ու վերջապէս յետին յուղարկուածութեան ատեն պատմուած կամուար մահերն ալ երգերուն մէջ անյիշատակ չեն³:

9. Կամ Արաաշխի կենդանութեան եւ կամ Արաաւաղաց թագաւորութեան ատեն՝ Արաաւաղացայ վրայ յարգութեամբ ու գովութեամբ խօսող երգերը՝ աս կարճակեաց թագաւորին մահուքնէն ետքը՝ իրեն մնլի բարքը չեն ծածկեր ու պատճառք պզտիկուց Վիշապազանց ձեռք մնալը կը գնեն: Իրեն վիհ իյնալով մեռնելն ասանկ պլլարանութեամբ մը կը նկարեն: Արդէն ի բնէ ուրիշին փառքին նախանձոս Արաաւաղը՝ հօրը մահուան ատեն եղած կամուար մահերուն բազմութիւնը տեսնելով՝ հօրն ետեւէն կանչեց որ Գացած աստեղ բոլոր երկիրս ալ հետդ տարիք, ես աւերակներուն ինչպէս պիտ'օր թագաւորեմ: Իսկ Արաաշխի ուրուականը տեղոհ որդւոյն վրայ անէծք կարգալով ըսաւ. Դէպ ի Մուսեայ լեռը ձիով որսի գացած ատենդ ոգիներն

¹ Խորեն. էջ 269:

² Անդ. էջ 275:

³ Անդ. էջ 286 ու Մագիստրոսեան հասուածը:

զքեզ պիտ'որ բռնեն, եւ այնպէս՝ անլըս խորշերու մէջ պիտ'որ կենաս:

1 Խորեն. 286: Անկից ետքը Խորենացի Արաւազդայ այ-
րի մը մէջ շղթայակապ կենալը, շանց շղթաները կրծեւն
որ Արաւազդ ազատելով ելլէ ու աշխարհքիս վերջ տայ,
բաց Գարբնաց կռանահարութեամբ շղթաներուն նորէն
պնդուիլն ու նորագուիլը, միայն իբրեւ զհոյս կը բերէ,
չէ թէ իբրեւ երգին մասը, որուն ձայնակից է միանգա-
մայն Եղնիկ (էջ 105): Բայց Եղնիկ առ Հայոց զԵՍՅԸ
քիչ մ'այլազգ կը պատմէ, այս ինքն թէ Արաւազդ
չէ թէ աշխարհքս աւերելու՝ հապա աշխարհքիս տիրելու
համար պիտ'որ ելլէ: Քրիստոնէայ Արաց Ամբրանոյ
վապ ունեցած զԵՍՅԸ՝ հեթանոս Հայոց Արաւազդայ
վապ ունեցած զԲՈՒՅԻՆ քիչ մը փոփոխուածն է: Աս
Արաց զԵՍՅԸ առջի անգամ Պր. Մկրտիչ Էմին՝ վերը յի-
շուած գրուածին մէջ (էջ 41 — 42) ինչպէս որ լռած է,
անանկ առանց այլայլելու մղի կը հաղորդէ: «Գնալ
յզւայ ըմբռնեալ ասնն (ձիւրք) յերկանց զմանապարհայն
եւ ծնեալ զորդի՝ Ամբրան անուն, զոր եւ մկրտել կա-
մեցեալ մօրն՝ շուարեալ մնայր առ ի չգոյէ առն ու-
րուք: Եւ մինչ սա այնպէս ի խորհուրդս ծփայր՝ եկն եւ
կաց յանդիման նորա ծերունի ամն, որոյ առեալ ման-
կան զկնիք մկրտութեան՝ խոտացաւ ըստ կամաց մօրն,
ինդրիւ ի Յեառնէ վասն մանկան զգորութիւն մեծ, որ
եւ շնորհեցաւ նմա յԱստուծոյ: Զարգացեալ մանկան՝
յաղթող երեւեցաւ յամենայնի՝ մեծամեծ շահատակու-
թիւնն գործելով. գոռողացաւ հպարտացաւ եւ զնոյն
ինքն զԱստուած յանդգնեցաւ ի պայքար կոչել: Ընդ որ
զջարեալ Յեառն երկնից փակեաց զնա ի միում լերանց
Վոզկասու երկաթի շղթայիւք: Սուր Ամբրանայ անկեալ
գնի մեկուսի. եւ միայն շուն նորա հաւատարիմ լեզու
անգաղար զշղթայս առ ի ազատել զնա ի կապանաց:
Հսկայն անդեղն անհամբեր մնայ գալստեան աւուրն,
յորում ելեալ ի կապանաց՝ յազուրդ տաց վրէժիւն-
գրութեան իւրում: Սակայն այլ է վճիռ վերին տես-
չութեան. քանզի յաւազ հինգշաբթեալ ելանէ Գար-
բին ի խորոց երկրի՝ բաղիւ սաստկապէս զնրբացեալ
շղթայն, որ ի նորոյ զօրանայ. եւ ինքն անհետ լինի
նոյնժամայն: Այս լինի տարի ի տարւոյէ, եւ անդերծ
մնայ ի կապանս իւր Ամբրանն:

ՀԱՅՈՒԱԾ Ե.

Զբոյց ու ազդեակամար :

Ասկից նախընթաց Հատուածը առջեւնիս մեր Հին երգերուն պատմական նիւթը բացաւ : Աս երգերէն հանուած պատմական նիւթը՝ որչափ բանաստեղծական կապերէն ազատած ու զարգերէն զտուած գրտնէք, ի վերայ այսր ամենայնի՝ ըստ ինքեան ի պաշտօնէ պատմագրի աւանդուած պատմութիւնն (հաստատար գորով այլոց) աւելի ծանրակշիռ է : Ինչ համեմատութիւն որ պատմագրութենէ աւանդուած ու երգերէն հանուած պատմականին մէջ կայ՝ նոյնն երգերէն հանուած ու զըղոյցներէն առնուած պատմականին մէջ կը կրկնուի : Այս ինքն՝ Հին զըղոյցներն երբեք Հին երգերուն քով պատմական յառաջագատութիւն չեն կրնար ունենալ : Աս վերջիններն իրենց սկզբնական կերպին պահպանութեան երաշխաւորութիւնը հետեւինն ունեցած են : Որովհետեւ ասոնք հաստատուն կերպարանք մ'ունին ու անով՝ ինչպէս որ առջիններէն կ'առնուին, այնպէս ալ վերջիններուն կը տրուին, իրենց առջի զարգը ժամանակաւ յաւելուած չի գտներ : Ասոնց հակառակ՝ զըղոյցները հետզհետէ կերպարանափոխութիւններ առնելու ընդունակ են, երթալով կը զարգարուին, կամաց կամաց սկզբնական մասունքն իյնալով՝ օտար մասունք կը փոխանակեն, թէ՛ այլեւայլ ժամանակի եւ թէ՛ այլեւայլ տեղոյ մէջ այլեւայլ կերպարանք ու գոյն կ'առնուն : Ի վերայ այսր ամենայնի՝ զըղոյցները քիչ շատ իրենց նախնական նյութիւնն անանկ կրնան պահել ինչպէս Հին շէնքի մը բարդական նոյնութիւնը կը պահուի, թէ որ իրեն մասունքները կամաց կամաց կը փոխուին ու անոնց տեղ եկած մասունքը միշտ առջիններուն համեմատ կը զետեղին : Ուստի բանագատութեան (բրիլիանտ) կողմանէ՝ Պատմագրութիւնը, Վիպասանութիւնն ու

Զբոսը հնութեան տաճարին առջեւ իրարու վրայ առ-
տիճանաւոր սանդաղ մը կը կազմեն :

Աղգային հին զրոյցներէն ալ քանի մը ճաշակներ ունինք :

1. Արայի զրոյցը՝ մեր ճանչցած զբօսաց մէջ առ-
ջի կարգը կը բռնէ : Աս զրոյցին ժողո՞րդէն յառա-
ջագոյն ըստ պատահման առիթ ունեցանք խօսելու :
Ինչպէս հոն տեսանք՝ առ զրոյցը Հայաստանէն դուրս
տեղական կերպարանափոխութիւն մը կրած է, որն
որ քիչ մ'առաջ ըսածներնու հաստատութիւնը
կամ օրինակն է : Աս զրոյցին յիշատակը չէ նէ՝ հա-
մոզումը ժողովրդեան մէջ քրիստոնէութեան հասուն
ատեններն ալ գեռ կենդանի էր, եւ Ն. դարուն
կէսին եկեղեցական մասնաճառութիւնն ասկից ծնած
աւելորդապաշտ կարծեաց գէ՛մ գրեւաւ հարկ ունեցաւ :

2. Արառաւղգայ մահուան զրոյցը նոյն առասպել-
լափառն կարգէն է : Եզնիկ ու Խորենացին (ինչպէս
տեսանք) քիչ մը իրարմէ տարբեր զբօսեցիւ սկսած
են, իսկ վրաց քով հեթանոս Արառաւղգայ զրոյցը
վրացի քրիստոնէայ Ամիրանայ զրոյցն եղած է :

Աս երկու զրոյցներն առ կերպարանաց մէջ աւելի
Առասպել անուանելու է : Թէ որ առ վերջի աղգային
առասպելին՝ յունական առասպելաց մէջ համեմա-
տականը (analogues) փնտռել ուզենք՝ անտարակոյս
ան է Մասեաց հրաբուխ յերան մէջ թռնուած Ար-
առաւղգն՝ ինչ որ Կովկասեան լեռան անակ խորտոյ
Պրոմէթէոսը, կամ յունական Յարսաթոսին մէջ
ճգնող Սիւսիփոսը : Արառաւղգայ հաւատարիմ շնե-
րուն անգազար կրծքէն ու միշտ մաշող եւ միշտ
նորոգւող շղթաները՝ բաւական գէշեցիկ պատկեր-
ներ են : Այսպէս Պրոմէթէոս՝ առառածներէն կրակ
գողնալուն համար՝ գոնէ 30,000 տարեկան պատժոյ
կը դատապարտուի, այս ինքն՝ որ անգղ մը անգա-
զար ցորեկը լիարգը կրծէ ու գիշերը՝ նորէն ւաճի որ

1. Փ. Բուլ. Գար. Ե. Գ. Լ. 2. Եզնիկ, էջ 99-100 :

նորէն կրծուի: Ասանկ ալ՝ Սիւսիփոս Կորնթոսի չարագործ թագաւորը՝ թէպէտ եւ աստուածներէն՝ Տարտարոսէն ելլելու հրաման ունի, բայց Սանգարա-մեապետը զինք արգելած է ու պատիժ սահմանած է՝ որ Սիւսիփոս ճերմակ մարմարինի ժայռ մը ան-գագար լեռնէ մը վեր դլարէ: Խեղճ թագաւորը ժայռը լեռան գագաթը բերելուն պէս՝ աներեւոյթ ձեռք մը ահագին թնդամբ վերէն վար կը թաւա-լէ ու Սիւսիփոսի աշխատութիւնը միշտ նոր կը սկսի:

3. Առասպելական կարգէն դուրս չէ Արծրունեաց ցեղին զոյցը՝ իբրեւ թէ իրենց Հագամակերտ ու-տանին մէջ նահապետութեան ժառանգ մանուկ իշ-խանորդին նիհելու ատեն՝ փոփոխակի անձրեւ ու արեւ մնասելու միտքանած ըլլալով՝ արծիւ մը թե-ւերով երբեմն յարկ ու երբեմն հովանի եղած ըլլայ¹:

Բայց աւելի պատմական ու անխառն զոյցներ են:

4. Երուանդ յաղթանդամ թագաւորին եւ իր Երուազ եղբօրն ու իրենց խարստի, խոշորագեղ ար-շակունի մօրը վրայ ըսուած զոյցը²: Աս զոյցը կ'ենթագրէ զոյցներու շարք մը՝ որն որ հնութեամբ քայքայած ինկած է: Ուստի շատ հաւանական է որ աս զոյցաց շարքին նախընթաց մասերէն մէկն է՝

5. Սանատրուկ մանկութեան վրայ պատմուած զոյցը³: Սանատրուկ թագաւորազուն տղան իր ար-ծրունի ստնտուին հետ Կորդուաց լեռանց մէջէն անց-նելու ատեն՝ երեք օր երեք գիշեր ձեանց մէջ կը թաղուի՝ բայց հրաշալի ճերմակ կենդանի մը երկուքն ալ ողջ առողջ կը պահէ: Այս ինքն՝ զիրենք փրե-տող խնդրակներուն սպիտակ շունը զիրենք ձեան մէջ գտնելով՝ իր տաք շնչովը կ'արթնցընէ⁴:

1 Խորեն. Գիրք Բ. ԳԼ. Է:

2 Անդ. ԳԼ. ԼԷ: 3 Անդ. ԳԼ. ԼԶ:

4 Ա. Գեղքը՝ որ մինչեւ հիմակ Ալպեան լեռանց մէջերը կը պատահէ, եւ որուն համար ալ Բեռնարգետն ըսուած

Հին զրոյցներէն՝ հիմա միայն ասոնք կրնանք ցուցնել. թէպէտ եւ երկայնժամանակեան ազգ ու ժողովուրդ մը չէր կրնար իր բազմութիւ ու երկայն զրոյցները չունենալ : Ասոնք չունինք, բայց իրենց երբեմն ունեցած գոյութեանը վկայութիւնն ունինք ¹ :

Ի՞նչ որ աս մեր գիտցածներուն հնութեան չափը կամ թէ ըսեմ՝ գոնէ մերձաւորական ժամանակադրութիւն մը աալ ուզենք՝ առջի զրոյցը բարձր հնութիւն մը կ'առնու քրիստոսէ առաջ չորրորդ դարուն մէջ Պապստին ծանօթ ըլլալովը : Երկրորդ զրոյցը նոյն իսկ դիպուածէն շատ վերջն ելած չէ, որովհետեւ Եզնիկ աս զրոյցը հիմնուա Հայաստանին կու տայ ² : Չորրորդ զրոյցն արդէն իր մէջն իր ժամանակագրութիւնն ունի, որովհետեւ ան հրաշալի կենդանին ասպուսքներէն խաւրուած կը դնէ : Հինգերորդն՝ ինչպէս ըսինք՝ չորրորդին հետ կապած է :

Ազգահամարը կամ ազգաբանութիւնը հին արեւելեան ազգերուն մեծ պարծանքն էր : Իւրաքանչիւր ցեղ իր նահապետէն մինչեւ ինք սերունդը ցուցնելով իր ազնուականութեան ապացոյց կու տար : Բայց աս ապացոյցը՝ որչափ որ ցեղերն ու ճիւղերը կը

շան մը տեսակ մասնաւոր կը կրթուի, Հայաստանի մէջ ալ ցանցաւ բան պիտ'որ չըլլայ : Տիրան Ա. պոպկոսի արկածէ մեաւ : Ստրաբոն հին յոյն մտանադիրը Հայաստանի աշխարհագրութիւնը գրած ատեն "Աը զըցուի որ, կ'ըտէ, մարդիկ լերանց ոտորոտներէն անցած ատեննին՝ շատ անգամ բալորը մէկանց լեռնէն ինկող ձիւնէն կը ծածկուին : Ճամբորդներն ասանկ դժբախտութեան ատեն ճար մ'ունենալու համար՝ հետերին երկայն գաւազան կ'առնուն" որ գուցէ գէպ ի վեր բռնելով՝ թէ շունչ առնելու ծակ բանան եւ թէ անցաւ րաց իրենց դժբախտութիւնն իմացնեն" : (Գիրք ԺԱ. Հայաստան) :

¹ Ագաթանգեղ. էջ 18 եւ 658 :

² Էջ 105. "Մալրութիւնն դիւաց խաբեաց զգիւցապաշտ Հայոց" :

բազմամասային՝ այնչափ յիշողութիւնը ծանրամայլով
գծուարին կ'ըլլար: Աւստի նախ ամբողջ ազգաբանա-
ւորութիւնը միայն մասնական եղաւ, այս ինքն ամէն ցեղ
միայն իր մերձաւոր սերունդը կը համբեր, բայց աւար
աւ շատութիւնը վերջապէս կը ստիպէր որ առ մասնա-
կանն ալ ընդհատ ըլլայ, այս ինքն ցեղին մէջ երե-
ւելի անուն ձգողները միայն յիշուին կարգաւ ու
աննշանները իբրեւ յիշողութեան բեռ թող տրուին:
Աս ստոյգ է՝ որ նոյն ազգահամայններն արեւելեան
պատմագրութեան հիմը, մանաւանդ թէ ըստ մեծի
մասին նոյն իսկ էութիւնն են:

Հայոց տոհմային ազգաբանութիւնն՝ որն որ իրենց
ալ հին պատմագրութեան կոմսին է, զմեզ ազգային
անդիր գաղութենէն գրաւորին կը հրաւիրէ:

Հեղինակը պատշաճ կը տեսէ հոս իբրեւ յաւելում գնել,
Խորոյս լեռագին տարւոյս 33-րորդ թուին մէջ Նորոգիտ
X. Գողթան երէ անուամբ հրատարակուած հատուածը:

Անշուշտ հայ գրագէտներուն մեծ մասին ծանօթ է
որ ազգային լեռագրի մը մէջ՝ առջեւնիս, ինչպէս կ'ը-
սուի, "անարատ գոհար մը, գրուեցաւ, այս ինքն" վեց
տուն բաժնուած երգ մը, իբրեւ համբաւաւոր Գողթան
երգերու հոր գանուած մէկ կտորը: Յիշեալ լեռագիրը
չիգանագողի որ քոյղնագիւտ բռնին հանքը նշանա-
կելու: Աս երգը, կ'ըսէ, Մատթեան աւետարանի բո-
լորգիր մագաղաթեայ մատենի մը վերջը գրուած է,
որն որ Վարենցի Սարգսեան Աւետիսի ընտանեաց մէջ
յորգուց յորգի իբրեւ սրբազան հայրենական ժառան-
գութիւն մը պահուած էր: Թէ ինչ խմբագիրն իր ա-
չօք նոյնը կարգացեր է, բացայայտ ըսած չէ:

Աս գիւտը՝ որչափ գեղեցիկ ու հրապուրիչ անուամբ
առջեւնիս ելլէ, նախ պիտ'որ փորձուի որ արգեօք
գոհար է թէ ապակի: Հրատարակիչն ասոր հարա-
զատութեանը վրայ՝ իր գոնէ բոլոր երաշխաւորու-

Թիւնը գնելու յօժար չէ, ու խոհեմութեամբ խընդիրը «բանասիրաց խելամուլութեանն ու քննութեանը կը ձգէ»։ Սկզբնական ստացիչն ալ իր անյիշատակ ժառանգութեամբ ունեցած ստացուածին ճիշդ պատասխանատու չի բռնուիր։ Ուստի առ խնդրոյն մէջ՝ ուրիշ ապահով ճամբաց չի մնար, բայց եթէ ներքին վիպութեան գիմել եւ նոյն իսկ խնդրոյ տակ գրտնուած երգը երգուընցնելով հարցընել թէ «ինքն իրեն համար ի՞նչ կ'ըսէ»։

Հրատարակիչն աղէկ գուշակած ըրած է որ «իր լուրը քննութեան կամ անհաւանութեան առիթ պիտի ըլլայ»։ Մենք կը յաւերուընք թէ աս երկուքը՝ խնդրոյս մէջ իրարու շատ մօտ են, որովհետեւ շատ կարճ քննութիւն մը բաւական է անմիջապէս մշտնջենաւոր անհաւանութիւն մը բերելու։ Այս ինքն՝ թէ աս երգը Ա. Մեր Նախնեացմէ ունեցած Գողթան երգերուն մասը չէ, Բ. եւ աշ հիներէն՝ անոնց նմանութեամբ շինուած է, հապա Գ. Նոր ու բոլորովին նոր (նոյն երգերուն վրայ եղած վերջին զննութիւններէն ետքը), ան ալ Դ. Շատ անյաջող ձեռքէ մը նմանելով երգ մըն է։

Ան վերջի երգիս մէջ գտնուած բանասիրական, բանաստեղծական ու պատմական հակասութիւններն ու անպատեհութիւնները կ'արդարացնեն աս ցաւալի գառապտանը։

1. Բանասիրական կողմանէ՝ աս երգը մեր ունեցած հարազատ Գողթան երգին մասերէն բնորելու շատ դժուարութիւն կ'ունենայինք՝ թէ որ ասիկա շինողը գիտնար ան այնչափ անգամ ծանուցուած, բայց դեռ աղէկ միտք չառնուած՝ Խիւ զանազանութիւնը՝ որն որ հայերէն գրաւոր լեզուն ժամանակագրօրէն երկու տիրոջ բարբառոյ (պիւլիգրի) կը բաժնէ, մէյ մը հինգերորդ դարուն կէսէն դէպ ի վեր, մէյ մ'ալ հինգերորդ դարուն կէսէն դէպ ի վեր։

Բայց նոր Գողթան երգիչը կամ գեւ չէ ճանչցած եւ կամ չէ թափանցած առ հայերէն բանասիրութեան պատմութեան մէջ գարագաւի մը շինող գիւտին: Ինչպէս ուրիշ անգամ ըսած ենք՝ ունեցած հարողատ Գողթան երգերնիս ամէնն ալ առանց պրզաթի բացառութեան մը՝ ըստ ամենայն հայեցման՝ հին գերորդ դարուն առջի կէսէն վեր ախրող գրողը լեզուն կը խօսին: Ասոր հակառակ՝ նոր Գողթան երգին լեզուն ըստ գոյացութեան նոյն գարուն երկրորդ կէսէն սկսեալ ախրող եղած լեզուն է: Աս կը ցուցնեն բոլոր գրութեան մէջ Ա. Խօսքին տարրները (կամ բառերը). օրինակի աղագաւ՝ ժբրաբիտալ, ի ժբր (= ի վերայ), ժաաղախիւ, կնաղբաւ, յաղաբաւ, խորատաղիւ, նաղիւ, հաղաղաւթ, գողաթիւ (եղջերուաղաղ բառին շէնքը, որն որ Խորենացւոյն Գողացան [զմանալն Արատաղաղ] ըսածին վրայ շինուած է) եւ ուրիշ խել մը նուազ ապահով ու կասկածաւոր բառեր եւ այլն: Բ. Գասաւորութիւնը. օրինակի աղագաւ՝ հաղաղաւթ յաղաղաւթ յաղաղաւթ յաղաղաւթ, երկուսի կապիւ շէնք, (գոխանակ նախնական կարգով ըսելով՝ ձգեալ մշտազուարճ կեանս եւ այլն:)

Բայց նոր Գողթան երգն աւելի մերձաւորապէս իր ժամանակը կը ցուցնէ: Իր լեզուն չէ թէ միայն հին գերորդ դարու երկրորդ կէսին լեզուն է, հապա նաեւ մեր ատեններուն նորածել լեզունին կնիքը վրան ունի: Նախ առ կը ցուցնեն բառերը. կամ իբրեւ մեզի հասարակ եղած բայց հիներուն անյուր բառ, ինչպէս անուիւ. կամ հիներէն տարբեր նոր նշանակութեամբ, ինչպէս՝ Գողացան (իբրեւ Գողացի կամ ժբր, ուր որ հիներուն քով՝ Գողացի-Նիւսի ձրայ՝ պարծող կը նշանակէ), Գողացի (իբրեւ ցանկաւոր, ուր որ հիներուն քով՝ Գողացի կը նշանակէ). կամ նորերուն սիւրան բառերու գործածութիւնը, որոնք նոյն կերպով կամ նոյն յաճախութեամբ հիներուն քով գոր-

Ծածուած չեն, ինչպէս՝ դժպէ (դեւ), գարձեալ՝ դժպէ (պն որ նորերուն շատ գործածական է, Գ. Մակարայեցաց, Ե. ՋՋ. սխալ օրինակէ մը առած, ուր որ ուղիղ օրինակը՝ յոյն կ'ըսէ, չէ թէ դժպէրն) եւ այլն։ Ասկից զատ՝ անշնորհք խոնարհումներ, նախդիրներ, յոգեր պակաս չեն, ինչպէս՝ անթեաց (= անէծ), հարել (= հարկանել)։ Երես հեծցիս, (որն որ խորենացւոյն քով է՝ Երես հեծցիս, բայց հաս վանկ մ'աւելցրնելու համար եղած է՝ Երես), է յերկն (= յերկինս)։ Վերջապէս մեր հեթանոս Գողթան երգիչներուն բերանը՝ մեղի աստուածաշունչ գրքէն ընտանի եղած երբայական ոճն ալ կը տրուի՝ ըսել խիարդելով խիարդեաց։

Իսկ գառաւորութեան կողմանէ՝ աս Գողթան երգը յոտից մինչեւ ցգլուխ նորախօս է, եւ ըստ մեծի մասին բառերն անանկ անբնական շարուած են, ինչպէս սովորաբար նորերն ոտանաւորի մէջ կը շարեն, զոր օրինակ՝ Ալեանայի խմանց զարմ. Ջէ աշխարհի Կոյ վահան, ի՛նչ էլմէ Արարաւոր. Արգելին Ժ զայս Կեսանել, Խորասուլիս դէտ դժպէ (եւ ոչ՝ դժպէհք), Ջիւղայիս եւ զինն (եւ ոչ զինն), Որսալ զախմբին Գինայ. Յաւնի յաւարեալ (փոխանակ ըսելու՝ ամհհեաւն ձիաւարեալ) եւ այլն։

Ջ. Աս նոր Գողթան երգը չէ թէ մինակ հին Գողթան երգերուն բանասիրական շիտիկը զըուցել չէ կրցած, հապա եւ ոչ նոյն երգերուն Բանասիրական հանճարն ունի։ Աւերորդ է հոս հարազատ Գողթան երգերուն արուեստաւոր յորինուածոյն վրայ խօսել, որովհետեւ արդէն լրագրոյս մէջ բաւական խօսած ենք։ Անոնց մէջ գտնուած անկեղծ արուեստն աս մեր Գողթան երգ ըլլալ ուղող երգին մէջ չիդրանուիր։ Ո՛ր են ան գծուարիմաց ու երկայն տարուած այլաբանութիւնները, կենդանի պատկերները, ներգաշնակաւոր շափականութիւնն ու համեմատականու-

Թիւնը: Հոս ամենայն ինչ գիւրբմաց, ցուրտ, անա-
բուեառ, անշտփակից ու հետեւակի (pédantesque), բա-
լոր խօսքերն աւելի արամբարանական քան թէ բա-
նաստեղծական կարգաւ զետեղուած, վերջապէս ան
հին երգերուն կրտկէն՝ եւ ոչ կայծ մը ասոր մէջ կը
շողայ, ի բաց առեալ ան կտորներն՝ որոնք Խորենա-
ցւոյն Բ. Գրքին ԿԱ. գլխէն առնուած ու տեղ տեղ
զետեղուած են:

Իսոյց բարոյովն ինք զինք կը մտանէ առ նոր հին
բանաստեղծը՝ երբ որ առ վեց առն երգին մէջ ե-
կու անգամ կ'ըսէ "Աշտուհակայ կանանց զարմ", : Հին
Գողթան երգերն երբեք ասանկ պարզ եղանակաւ
բացէ ի բաց Աշտահակայ անունը չեն աւար, ու Աշ-
տահակայ զարմը միշտ կենդանի պլարանութեամբ մը՝
Վիշապի կամ Վիշապաղանի կ'անուանեն: Թէ որ Գող-
թան երգերն առ բաներս պատմելու տաեն՝ պայպէս
բացայայտ Աշտահակայ անունը յիշած ըլլալին, Խո-
րենացին Աշտահակայ պատմութիւնն ու անոր զար-
մին Հայաստան բերուիլը պատմելէն ետքը՝ Գողթան
երգէն առ բանիս հաստատութեան համար վիշապ-
ութիւն բերելու տաեն՝ ան տառիճան գծուարութեան
մէջ չէր մտներ, նոյն երգին պլարանութիւնը մեկնե-
լու, այս ինքն՝ ցաւքընելու որ երգին "Վիշապաղանք,"
ըսածն Աշտահակայ զարմն է, եւ կամ մինտի առ պլ-
արանական տեղը չէր բերեր¹:

"Եւոր Գողթան երգիչը Արտաշիսի համար՝ "Հազարք
էին նորա հարձք," կ'ըսէ, որն որ անատրակիցս Երզոյ
երգոյն ծանօթ խօսքէն միտքն ինկած է: Նոյնպէս
Արտաշիսի "գիցն կամաւ ի յերկինս վերակարգելն,"
ալ նոյն աստեղծան Հայոց կրօնական տեոութիւններ-
ուն համեմատ չ'երեւար:

3. Բանականապէս՝ բանաոիրական ու բանաստեղ-
ծական անպատահութիւններէն աւելի նիւթական ու

շօշափելի են պարսկան անպատեհութիւնները: Խորենացին Արաւազդայ մօլեգնութեան վրայ խօսելով՝ կը կարծուի, կ'ըսէ, որ Աշղահայկայ զարմին կանայքը զինք կախարդած ըլլան, եւ ասոր՝ երգէն վկայութիւն մը բերէ ըսելով, «Եւ զայս նոյն երգիչքն յառապելին ասեն այսպէս, եթէ Աշղապազունք գողացան զմանուկն Արաւազդէ եւ գեւ փոխանակ եղին», Ուրեմն Խորենացին Արաւազդայ կախարդուած ըլլալուն վկայութիւնը հաղիւ աս այլաբանական «գեւ փոխանակ եղին», խօսքէն կը հանէ¹: Բայց նոր Գողթան երգը ահա բացայայտ, աւանց այլաբանութեան՝ խոշոր կերպով մը գրած է «Աշղահայկայ կանանց զարմ», ԶԱրաւազդէ մանուկ մատաղ խաբարելով խաբարեաց», Մեր պատմութեան հայրը աս անմիջապէս հետեւող տունն անկարելի էր որ չտեսներ, եւ աւելի անկարելի՝ որ չգործածէր:

Վննութեան առնուած երգին բովանդակ վեցերորդ ու վերջին տունը՝ նոյն երգը բոլորովին իր փետրաթափ մերկութեանը մէջ կը ցուցնէ: Ինչպէս լրագրոյս մէջ հին երգերնու վրայ հրատարակուած վերջին հատուածոյն մէջ բացայայտ ըսած էինք, Գողթան երգիչները չեն՝ որ կը պատմեն Ա. Արաւազդայ երկաթի շղթայով կապուիլը, Բ. Երկու շներուն՝ շղթաներն անգաղար կրծելը, Գ. Արաւազդայ ելլել ուզելը՝ որ աշխարհքս վերջացնէ, Դ. Դարբնաց կռանահարութեան ձայնէն շղթաներուն զօրանալը, հապա Խորենացին, որ թէ Գողթան երգերը լսած էր եւ թէ իր ժամանակին ոովորութիւնները գիտէր, վերոյիշեալ չորս պարագաները պատմելու ատեն՝ չէ թէ հին երգը յառաջ կը բերէր, հապա (նաեւ Եղնիկէն յիշուած) ռաճկական զրոյց մը կը յաւելու՝ որոշակի ըսելով իսկզբան «Զբոսն զմանէ պատահան», (չէ թէ թուելեացն երգք կամ երգիչք

¹ Խորեն. Գիրք Բ. ԳԼ. ԿԱ:

գինաւէտ գաւառին Գողթան)¹։ Բայց նոր Գողթան
երգոյն մէջ զորոյն երգին հետ խառնուելով՝ ան չորս
պարագաներն ալ մէկիկ մէկիկ կը պատմէ ըսելով՝

Ներկաթի կապեալ շղթայք
Սասուկապատիժ յայրի տնդ,
Շանց երկուց հանապազօր
Ջշղթայն կրծել տառաքակեր,
Ջի աշխարհի տայ վախճան
Թէ ելանէ Արտաւազդ:
Բախեցէք, գարբիք, կռանաւ.
Ըզաւն հարել կոփել կռանաւ.
Ջօրասցին շղթայք Արտաւազդայն:

Ինչպէս մինչուկ հիմա ըսուածներէն կ'երեւայ, աս
երգը՝ որ իրեն հիմ ու նիւթ առած է Խորենացւոյն
վերոյիշեալ գլուխը, միայն նոյն գլխէն կը դառաւ պար-
տուի։ Որչափ ալ ջանք եղած է՝ աս պատմագրին
նոյն իսկ իր կողմանէ գործածած կամայական բառերն
ու խօսքերը պահել, ի վերայ այսր ամենայնի նոյն
գլխոյն հետ ունեցած միաբանութիւնը՝ միշտ առե-
րեւոյթ, իսկ տարաձայնութիւնն՝ իրական եղած է։
Բայց աս քննութեամբ երգոյն հետ՝ երգիչն ալ, ո՛վ
որ է նէ, դատել չենք ուզեր։ Այո՛ կեղծիք ու խա-
բէութիւն՝ որ եւ իցէ տեսակ ճշմարտութեան համար
գործածելը՝ միշտ դատապարտելի ու նոյն ճշմարտու-
թեան վնասակար է։ Բայց մենք կ'ուզենք հաւատալ
որ աս երգոյս անծանօթ հեղինակին նպատակը՝ չէ
թէ ուսումնական հասարակութիւնը խաբել էր, հա-
պա ուսումնական հասարակութիւնը փորձել։ Բայց
ինչ որ ըլլայ՝ ըլլայ, իրաւամբք կրնայ նոյն հասարա-
կութիւնը արտոնջել՝ որ պարապ տեղ իր մտազրու-
թիւնը կը գրաւի, եւ կամ փոխանակ անմիջապէս
սորվելու, նախ կը խաբուի՝ որ ետքը սորվի։